

Dato: 26. februar 2017  
Kontor: Nordatlantenheden  
Sagsbeh: Katarina Hvid Lundh  
Sagsnr.: 2016-490-0026 Dok.:  
2162052

## MISSILIUT

**Kalaallit Nunaanni pinerluttulerinermik inatsisip  
aamma Kalaallit Nunaanni eqqartuussiveqarneq pillugu inatsisip  
allanngortinneqarnissaat pillugu inatsisisattut  
siunnersuut  
(Inissiisarfinnut inissinneqartussatut il.il. eqqartuunneqartut)**

### § 1

Kalaallit Nunaanni eqqartuussisarneq pillugu inatsimmi, tak. inatsimmik nalunaarut nr. 1581 decembarip 13-ainni 2016-imeersoq, inatsisikkut nr.

149 februaarip 7-anni 2017-imeersumi § 1-ikkut allannguuteqartinne-qartumi, allannguuit makku ivertinnejassapput:

**1. § 370, imm. 1-imi piissaaq »imaluunniit Danmarkimi pinerluuteqarsimasunik nakkutilliviup ataani tarnit nakor-saannik aqunneqartumik inissiisarfimmut inissinneqassal-lutik § 371 malillugu.«**

**2. §§ 371 aamma 372 atuukkunnaassapput.**

Slotsholmsgade 10 1216  
København K.

T +45 7226 8400  
F +45 3393 3510

[www.justitsministeriet.dk](http://www.justitsministeriet.dk) jm@jm.dk

## § 2

Kalaallit Nunaanni pinerluttulerinermik inatsimmi, inatsit nr. 306 apriilip 30-anni 2008-meersumi, inatsimmi nr. 735 juunip 25-anni 2014-imeersumi § 1-ikkut, inatsimmi nr. 103 februaarip 3-anni 2016-imeersumi § 4-kkut aamma inatsimmi nr. 149 februaarip 7-anni 2017-imeersumi aamma § 2-kkut allanngortinneqartumi allannguutit makku ivertinneqassapput:

**1.** § 148, *imm. 2-mi* » § 161, *imm. 1« imatut allanngussaaq: » § 161«.*

**2.** § 148, *imm. 3 atorunnaassaaq.*

*Imm. 4 tamatuma kingorna imm. 3-nngussaaq.*

**3.** § 161, *imm. 2-5, atorunnaassaapput.*

**4.** § 241-mi *imm. 3-p kingornatigut nutaatut ivertinneqassapput:*

*»Imm. 4. Kalaallit Nunaanni Pinerluuteqarsimasunik Nakkutilliisoqarfimmi Aqutsisut aalajangersinnaavaat, immikkoortumi ammasumi inissitaq, § 161 malillugu nakkutigineqartussatut eqqartuunneqarsimasoq, nakkutigisassatut immikkoortortamut nuutsinnejassasoq, immikkoortortami ammasumi inissinneqarsimanera naammattumik isumannaatsuuunngitsoq paasineqarpat.*

*Imm. 5. Kalaallit Nunaanni Pinerluuteqarsimasunik Nakkutilliisoqarfimmi Aqutsisut aalajangersinnaavaat nakkutigisanut immikkoortortami inissinneqarsimasoq immikkoortortamut ammasumut nuutsinnejassasoq, nakkutigisat immikkoortortaannut nuutsinnejassasoq tamanna isumannaatsuunissakkut mianerisassanut siunniunneqarsinnaasutut ataqtigilersinnejarsinnaasutullu isigineqarpat. Kingorna tassani inissitaq immikkoortumi ammasumiitsinnissa piukkunnanngitsutut paasineqarpat imaluunniit taamatut inissiineq naammattumik isumannaatsuutinnejarsinnaanngitsoq paasineqarpat, Kalaallit Nunaanni Pinerluuteqarsimasunik Nakkutilliisoqarfimmi Aqutsisut aalajangersinnaavaat tassani inissitaq nakkutigisassat immikkoortortaannut nuutsinnejassasoq.«*

*Imm. 4 kingorna imm. 6-nngussaaq.*

### § 3

Justitsministerip inatsisip atuutilernissaanik piffissaliinissaq aalajangerssavaa.

### § 4

*Imm. 1.* Justitsministerip, ministerilluunniit tamaaliornissamik piginnaatitaata, aalajangersinnaavaa, inuit pinerluttulerinermik inatsisimmi § 148, imm. 3, imal. § 161, imm. 2-4-ni malittarisassaagallartut malillugit Danmarkimi pinerluuteqarsimasunik nakkutilliivimmum immikkoortortami inissitassatut eqqartuunneqarsimasut nuutsinneqarsimasullunniit Kalaallit Nunaanni Pinerluuteqarsimasunik Nakkutilliivimmi immikkoortortamut nakkutilliiviushumut nuutsinneqarsinnaavoq, tamanna nalilerneqarsinnaappat siunertamut nalequttoq aamma isumannaallisaasussaanermut naapertuuttoq. Nuutsitsineq taamaallaat pisinnaavoq pineqartup akuersineratigut.

*Imm. 2.* Justitsministerip, ministerilluunniit tamaaliornissamik piginnaatitaata, aalajangersinnaavaa, inuit pinerluttulerinermik inatsisimmi § 148, imm. 3, imal. § 161, imm. 2-4-ni malittarisagaallartut malillugit Danmarkimi pinerluuteqarsimasunik nakkutilliivimmum immikkoortortami inissitassatut eqqartuunneqarsimasut nuutsinneqarsimasullunniit Kalaallit Nunaanni Pinerluuteqarsimasunik Nakkutilliivimmi immikkoortortamut nakkutilliiviushumut nuutsinneqarsinnaapput, tamanna nalilerneqarsinnaappat siunertamut nalequttoq aamma isumannaallisaasussaanermut naapertuuttoq. Inissinneqarsimasoq taanna kingornatigut ammasumiinnissaminut tulluanngitsoq paasineqarpat, ammasumi inissinneqarsimanerluunniit naammaginartumik isumannaatsuunngitsutut isigneqarpat, Justitsministeriep, ministerilluunniit tamaaliornissamik piginnaatitaata, aalajangersinnaavaa, inissinneqarsimasoq taanna immikkoortortamut nakkutilliiviushumut Kalaallit Nunaanni Pinerluuteqarsimasunik Nakkutilliivimmum utertinneqassasoq.

*Imm. 3.* Eqqartuussiviup aalajangersinnaavaa, inuit pinerluttulerinermik inatsimmi § 161, imm. 1 naapertorlugu eqqartuunneqarsimasut, aamma Kalaallit Nunaanni Pinerluuteqarsimasunik Nakkutilliivimmi immikkoortortami ammasumi inissinneqarsimasut, Kalaallit Nunaanni Pinerluuteqarsimasunik Nakkutilliivimmi immikkoortortamut nakkutilliivimmum inissinneqassasoq, immikkoortortami ammasumi inissinneqarsimaneq naammaginartumik isumannaatsuunngitsutut isigneqarpat.

*Imm. 4. Justitsministeri imm. 1 aamma 2  
malillugit inissiinernut malittarisassanik aalaja-  
ngersaasinnaavoq.*

## *Inatsisissatut siunnersuummut oqaaseqarfiginnissutit*

*Oqaaseqarfiginissutit tamanut atuuttut*

*Imarisai*

Imarisai

1. Allaqqaaasiut

2. Inatsit atuuttoq

2.1 Tigummisaanissamuteqqartuunneqartunik inissiisarneq il.il

2.2. Tigummisassanngorlugit eqqartuussat Danmarkimiit Kalaallit  
Nunaannut nuutsinnissaat

2.3. Tigummisassanngorlugit eqqartuussat Kalaallit Nunaanni  
nunami namminermi nuutsissinnaanissaat

3. Justitsministereqarfip isumaliutersuutai aamma aaqqissuussinissatut siunner-  
suutigineqartoq

3.1. Allannguutissatut siunnersuutinut takussutissat

3.1.1. Eqqartuussisarneq pillugu inatsimmi  
nakkutigisat Danmarkimi inissinneqartarnerinut  
malittarisassat atorunnaarsinneri

3.1.2. Inunniq inatsisip atuutilerneratigut  
tigummisassanngorlugit eqqartunneqartunik  
nuutsitsineq

3.1.3. Inunniq inatsisip atuutilereerneratigut  
tigummisassanngorlugit eqqartuussaasunik  
nuutsitsisarnissaq

3.2. Nakkutigisassatut eqqartuunneqartut tigummineqartullu Dan-  
markimut inissinneqartarnerannik aalajangersakkap atorunnaarsin-  
nissaa

3.3. Inunniq inatsisip atuutilereratigut tigummisassatut eqqartuun-  
neqartunik nuutsitsineq

3.3.1. Kalaallit Nunaanni tigummisassatut  
eqqartuussanik immikkoortortami ammasumiit  
tigummisassanut immikkoortortamut nuutsitsinissamut  
periarfissiisummik atulersitsineq

3.3.2. Kalaallit Nunaanni tigummisassatut eqqartuussat  
tigummisassanut immikkoortortamit immikkoortor-  
tamut ammasumut nuutsitaasinnaanissamut  
periarfissiisutinik ivertitsinissaq

3.4. Inunniq inatsisip atuutilerera sioqquullugu tigummisassatut  
eqqartuunneqarsimasunik nuutsitsineq

3.4.1. Tigummisassatut eqqartuunneqarsimasunik  
Danmarkimi pinerluuteqarsimasunik  
nakkutilliisoqarfiup ataani inissiisarfimmi tarnit  
nakorsaannik aqunnerqartumiit Kalaallit Nunaanni  
tigummisassanut immikkoortortamut nuutsitsinissamut  
periarfissiisummitk ivertitsinissaq

3.4.2. Danmarkimi pinerluuteqarsimasunik  
nakkutilliiviup ataani inissiisarfimmut tarnit  
nakorsaannik aqunneqartumut tigummisassanngorlugit  
eqqartuunneqarsimasut Kalaallit Nunaanni  
immikkoortortamut ammasumut nuutsitsisin-  
naanissaannut periarfissiisutissamik ivertitsinissaq

3.5. Tigummisassatut eqqartuunneqarsimasut Nuummi inissiisarfittaassami inissinneqarnissaat

4. Pisortanut Aningaasaqarnikkut pisortatigullu ingerlatsinermi kinguneqaatissat
5. Inuussutissarsiornermut aningaasaqarnikkut pisortatigullu ingerlatsinermut kinguneqaatissat il.il.
6. Innuttaasunut pisortatigut ingerlatsinermut kinguneqaatissat
7. Avatangiisirut kinguneqaatissat
8. EU-mi inatsisiiliornissamut pissuseq
9. Oqartussaasut il.il. tusarniaaviusut il.il.
10. Eqiterlugu takussutissiissut

*1. Aallaqqaaasiut*

1950-ikkuniilli inuit pinerluttulerinermik inatsit malillugu nakkutigneqarnissamut eqqartuunneqartartut nalilerneqartartullu isumannaatsuunissamut aarlerinartuusut, Danmarkimi inissinneqartarpuit, ilaatigut pissutigalugu Kalaallit Nunaanni inissiisarfiiit naammaginartumik katsorsaanissamut neqerooruteqarsinnaanngimmata inunnulu immikkut navialisitsisinnaasunut isumannaatsumik atortulersugaanngimmata.

Kalaallit Nunaanni Eqqartuussisarneq pillugu isumalioqatigiissitat 2004-mi innersuussutigaat Kalaallit Nunaanni nakkutilliinermut immikkoortortamik pilersitsisoqarnissaa tarnikkut nakorsaanermik tarnikkullu ilisimasalinnik pisariaqarnera malillugu ikiuisinnanermik sullisisinnaasumik, immikkoortortaq taanna siunissami inissiiviusinnaasunngorlugu nakkutigisassatut eqqartuunneqarsimasunut, allatigut Danmarkimi inissinneqarsimasinnaagaluartunut (tak. Isumalioqatigiissitat Kalaallit Nunaanni eqqartuussiveqarneq pillugu isumalioqatigiissitat isumaliutissiissutaat nr. 1442/2004, quppersagaq 3, qupp. 1014).

Eqqartuunneqartut Danmarkimut inissinneqartarnerisa unitsinneqarnisaannik kissaat aallaaveqarpoq eqqartuussanut isiginninnermk, tassunga atatillugu nunaminni inissiisarfnnut inissinneqartarnissaat eqqarsaatigalugu najugaqarfitik ilaqtutatillu qanillillugit.

Ilaatigut tamanna tunngavigalugu Nuummi inissiisarfissaq nutaaq maanna sananeqarpoq. Inissiisarfissaq 2018-imi naammassisassatut naatsorsuutigineqartoq, tamanut ammasumik immikkoortortap saniatigut,ilaatigut nakkutigisassanut inissiiviusinnaasussamik immikkoortortaqsaaq.

Inatsisisstatut siunnersuut tamanna tunngavigalugu ilaatigut siunertaqarpoq piginnaatitsinissamik, inuit pinerluttulerinermik inatsit malillugu Danmarkimi nakkutigisassatut eqqartuunneqarsimasut imaluunniit nuutsinneqarsimasut, Nuummi inissiisarfittaami inissinneqarsinnaanissaannik. Tassunga atatillugu siunniunneqarpoq nuutsitsineq pisinnaasoq aatsaat pineqartup akuersineratigut.

Inatsisisstatut siunnersuut siunertaqportaaq pinerluttulerinermik inatsimmi aalajangersakkap nakkutigisassanngorlugit eqqartuussisarneq nuutsitanilluunnit Danmarkimi pinerluuteqarsimasunik nakkutilliivimmut tarnit nakorsaannit siulorsorneqartumut inissiisarnerit unitsinniarlugit. Taamattaaq inatsisisstatut siunnersuummi siunertarineqarpoq Kalaallit Nunaanni eqqartuussisarneq pillugu inatsimmi aalajangersakkat tigummisassatut Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik siulorsorneqartumut inissinneqartarerat atorunnaarsissallugu.

Inatsisisstatut siunnersuut aammattaaq siunertaqarpoq piginnaatitsinissamik nakkutigisassatut eqqartuunneqartunik nuutsitaasartut Kalaallit Nunaanni tarnit nakorsaannut immikkoortortami ammasumi inissinneqarsimasut, Nuummi nakkutilliinermik immikkoortortartaassamut nuussisinnaalernissaq immikkoortortamilu Kalaallit Nunaanni katsorsaavittut immikkoortortamut ammasumut nuussisinnaalernissaq.

## *2. Inatsit atuuttoq*

### *2.1. Tigummisaanissamut eqqartunneqartunik inissiisarneq il.il.*

Pinerluttulerinermik inatsimmi § 161 maannamut ilusiligaalerpoq inatsisikkut nr. 306 apriilip 30.-anni 2008-mi, tunngaveqartoq Kalaallit Nunaanni Eqqartuussisarneq pillugu Isumalioqatigiissitat isumaliutissiis-sutaata eqqaaneqareersup imm. 1-ianni.

Aalajangersakkamik imm. 1 imaqarpoq piumasaqaatinik erseqqinnes-rusunik piffissami killiligaanngitsumi tigumminninnerup atortinnissaanut, tamatumani ilimagineqarsinnaavoq tamanna pineqartoq inunniq allanik inuuneratigut, timaatigut peqqissusaatigullu imalunniit kiffanngissuseqarnerannik navialisitsisinnaanermik saqqummersitsisinaasoq, aamma tigumminnissinnaanermik atuineq navialisitsisinnaaneq ingalassimaniarlugu pisariaqartuusoq.

Aalajangersakkap imm. 2.-ani ersippoq pinerluttuq tigummisaanissamut eqqartuunneqarsimasoq imm.1 malillugu eqqartunneqartoq Danmarkimi pinerluuteqarsimasunik nakkutiliisoqarfimmit tarnit nakorsaannit aquneqartumut piffissami killiligaangitsumi inissitasanngorlugu eqqartuun-neqarsinnaasoq, pineqartoq tarnikkut immikkut pissuseqarnini pissutigalugu isagineqarsinnaammatt Kalaallit Nunaanni inissiisarfimmut inissitassatut, imalunniit taamatut inissiisinnaaneq naammaginartumik isumannaatsuunngippat. Danmarkimi inissiisoqarajuttarpoqpoq Hersted-vesterimi Parnaarussivimmut (Siornatigut Herstedvesterimi Inissiisarfik).

Aalajangersakkami imm. 3-mi periarfissaqarpoq pisortatigut ingerlat-sinikkut tigummisassanngorlugit eqqartuussaasimasut Danmarkimiit Kalaallit Nunaanni inissitaassasut nuutsitsinissamut imaluunniit utertitsinissamut, erseqqinnerusumik tak. ataani imm. 2.2.

Aalajangersakkami imm. 4 malillugu eqqartuussiviup aalajangersin-naavaa, pinerluttsoq tigummineqartoq Danmarkimi inissitaanissamt (siullermeerani eqqartuunneqartoq) Danmarkimut nuutsinneqassasoq, Kalaallit Nunaanni inissiisarfimmut inissiineq naammaginartumik isumannaatsuunngitsutut nalilerneqarpat, erseqqinnerusumik tak. ataani imm. 2.3.

§ 161-imi. Imm. 2-mit 4-mi aalajangersakkat, Danmarkimi inissiisarnermut aamma Danmarkip Kalaallit Nunaatalu akornanni nuutsitsisarnermut tunuliaqtaavoq Kalaallit Nunaanni inissiisarnermi aaqqissuineq naammattumik isumannaallisagaanngimmat inissitat immikkut navialiisinnaassusillit inissimatissallugit.

Imm. 5-imi isumalioqatigiissitat inatsisisstatut missiliuutaat tunngavagalugu invertinneqarsimasukkut justitsministeri piginnaatinneqarpoq imm. 2-mit 4-mut atuukkunnaarsissallugit (aamma § 148, imm. 3, tamatumani aamma Danmarkimut inissiisoqarsinnaasoq, erseqqinнерусумик tak. ataaniittut), Nuummi inissiisarfittaassaq piareersimalerpat, aamma tamaalilluni pisariaarutissasoq tigummisassanngorlugit eqqartuussat Danmarkiliartittassallugit. Pisariaqarpoq aalajangersakkamut piareersaataasumik nammassiniagassat (inatsisisstatut siunnersuummik nr. L 35 decembarip 12.-anni 2007-imeersumi § 161-imiittut oqaaseqarfinginnissutit, tak. Folketingstidende 2007-2008, tapiliussaq A, qupp. 1678), § 161-imi imm. 2-mit 4-mut, aamma § 148-mi imm. 3 Kalaallit Nunaanni tigumminnitarffittut immikkoortortaq pilersinnejarsimalepat atuukkunnaassasut.

Pinerluttulerinermik inatsimmi § 148 imm. 2 malillugu eqqartuussiviup aalajangersinnaavaa pinerluttoq inissiisarfimmumt inissitassatut eqqartuun-neqartoq, tigummisassatut nuutsinnejassasoq, pineqartoq § 161, imm. 1-imut pineqartussatut isigineqarpat. § 148, imm. 3-mi ersippoq eqqartuussiviup aalajangersinnaagaa pinerluttoq inissiisarfimmumt inissitassatut eqqartuussaq Danmarkimut nuutsinnejassasoq, § 161-mi imm. 2, tak. imm. 1 malillugu pineqartussatut isigineqarpat. § 148-mut piareersaataasumik naammassiniagassat naapertorlugit (§ 148-mut oqaaseqarfinginnissutit inatsisisstatut siunnersuummi nr. L 35 decembarip 12.-anni 2007, tak. Folketingstidende 2007-2008, tapiliussaq A, qupp. 1674-1675), imm. 2-mi aalajangersagaq siunertaqartoq Kalaallit Nunaanni tigummisassanngortitanik immikkoortumut siunnersuutaa-sumut nuutsitsinissaq, immikkoortortallu taama ittpilersinnejansin-nerani aalajangersakkami imm. 3 malillugu Danmarkimut inissinnejartassasoq.

Pinerluttulerinermik inatsimmi § 241 imaqarpoq tigummisassanngorlugit eqqartuussissutip naammassinissaanik, aalajangersakkami takuneqarsin-naavoq eqqartuussissutit taama ittut naammassineqartassasut inissiisarfimmumt inissiinermik eqqartuussissutit naammassinissaannik aalajanger-sakkat tamanut atuuttut malillugit, tak. imm. 1 kisianni tigumminnинeq pissutsit atuuttut malillugit naammassineqartassasoq tigumminnинis-samut immikkoortortami, tak. imm. 2.

Aammattaaq Kalaallit Nunaanni eqqartuussisarneq pillugu inatsimmi § 70 malillugu, tigummineqartut inissinnejassasut inissiivittut unnuisitsisarfimmi imaluunniit inissiisarfimmi, imassimanngippat eqqartuus-

sivik § 361 aalajangersimasoq pissusissanik sukangannginnerusunik imaluunniit § 371 malillugu Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik aqunneqartumut inissillugit. Taamatut iliornermi aallaaviuvoq tigummigallarneqartut inissiisarfimmut inissinneqartarnissaat, inissiivittut unnuisitsisarfittit tigumminnikkallarffittut atorneqartarunnaarmata.

Kalaallit Nunaanni eqqartuussisarneq pillugu inatsisip § 371-iani takusassaavoq eqqartuussivik aalajangersaasinjaasoq tigummineqartut Danmarkimi pinerluuteqarsimasunik nakkutilliiviup ataani inissiisarfimmi tarnit nakorsaannik siuttulimmik inissinneqassasoq. Imatut pisoqarsinnaavoq Danmarkimi inissiineq piumasaqaatit erseqqinnerusumik nalunaakkat malillugit, tassunga ilagitillugu ilimagineqarsinnaavoq tigummineqartoq tarnikkut innarluuteqarnini pillugu Kalaallit Nunaanni inissiisarfimmut inississallugu naleqqutinngitsoq, imalunniit inissiisarfimmut inissiineq naam-mattumik isumaannaatsuuusorineqanngitsoq. § 372-imi erseqqinnerusumik malittarisassaqarpoq eqqartuussiviup inissiinissamik § 371 malillugu aalajangersinnaaneranut periaasissanik. § 372, imm. 3-mi justisministeri piginnaatinneqarpoq §§ 371 aamma 372 atuutsinnginnissaanut. Aalajangersakkamut piareersaataasuni piumasarineqarpoq (§ 372-imut oqaaseqarfiginnissutit inatsisisatut siunnersuut nr. L 34 decembarip 12.-anni 2007-imeersumi, tak. Folketingstidende 2007-08, tapiliussaq A, qupp. 1466) §§ 371 aamma 372 atorunnaassasut Kalaallit Nunaanni nakkutilliivittut immikkoortortaq pilersinneqarpat.

## *2.2. Tigummisassanngorlugit eqqartuussat Danmarkimiit Kalaallit Nunaannut nuutsinnissaat*

Pinerluttulerinermik inatsit § 161-ip saniatigut ataasiakkaanik aalajangersagartaqarpoq tigumminninnermut attuumassutilinnik, aalajangersakkalli taakkua Herstedvesterimi Parnaarussivimmit Nuummi tigumminninnissamut immikkoortortamut nuutsinsinissamik apeqqummut atasut avataanniippuit.

Pinerluttulerinermik inatsimmi § 161, imm. 3, imm. 1 Kalaallit Nunaanni inissiisarfimmut nuutsisisoqarsinnaasoq siunertamut naapertuuppat isumaatsuunissamillu isugimanninnermut tulluarpat, taamaalilluni periarfissaliissutaasinjaavoq Herstedvesterimi Parnaarussivimmut inissitat Nuummut nuussinnaanissaannut, tigumminninnissamut immikkoortortaq pilersinneqareersimalerpat.

Pinerluttulerinermik inatsimmi § 161, imm. 3 – Kalaallit Nunaanni Eqqartuussisarneq pillugu Isumalioqatigiissitat tamatuminnga siunnersuutaat tunuliaqutaralugu – invertinneqarpoq (taamani § 102, imm. 4-tut) pinerluttulerinermik inatsisip il.il. allannguutissaatut inatsisikkut nr. 476 juunip 12.-anni 1996-ikkut. Inatsimmik naammassiniaalluni piareersaatini ersippoq isumalioqatigiissitat siunnersuutigigaat aaqqissuussinermik pilersitsisoqassasoq tamatumuuna Kalaallit Nunaanni inissiisarfimmut inissiigallarnermik pisortatut ingerlatsinikkut aalajangiisoqarsinnanngorlugu kingorna iperagaasinnaanermik malitseqartussamik (inatsisissatut siunnersuummut nr. L 265 maajip 2.-anni 1996-immersumut oqaaseqarfinginnissutini tamanut atuuttuni imm. 2.2, tak. Folketingstidende 1995-1996, tapiliussaq A, qupp. 5203).

Aammattaaq aalajangersakkamut oqaaseqarfinginnissutitigut ersippoq nuutsitsinermi piumasarineqartoq nuutsitsineq siunertamut naapertuutissasoq isumannaatsuutitsinissamullu tulluartuussalluni, nalunaarutigineqarpoq inissiigallartarnermik aaqqissuussineq aallaqqaammut atortinnejassasoq eqqartuussanut piffissap sivikitsup qaangiunnerani misilummik iperagaagallaarsinnaasunut (inatsisissatut siunnersuummi nr. L 265 maajip 2.-ani 1996-immersumi § 1, nr. 1 oqaaseqarfinginnissutit, tak. Folketingstidende 1995-1996, tapiliussaq A, qupp. 5205).

§ 161, imm. 3, imm. 1 tamaalilluni aalajangersimasunik siunertaqarpoq periarfissiissutigissallugu iperagaajartuaarnermut atatillugu Kalaallit Nunaanni inissiisarfimmut ammasumut nuutsitsisinnaaneq taamalu siunertarerpiarneqanntsoq nuutsitsinermut allanut atuutsitsinissaq.

Taamaattumik ilimagineqarsinnaanngilaq § 161, imm. 3, oqaaseqatigiit siulliat atorsinnaassasoq nakkutigisassatut eqqartuussat Danmarkimiit Nuummi nakkutiginninnermut immikkoortortassamut nuutsitsinermut tunuliaqtitut atussallugu.

### *2.3. Tigummisassanngorlugit eqqartuussat Kalaallit Nunaanni nunami namminermi nuutsissinnaanissaat*

Kalaallit Nunaanni tigummisassanut immikkoortortaq pilersinneqarsimalerpat imm. 2.1-imi allanneqarsimasutut piumasarineqarpoq § 161, imm. 5, ilaatigut § 161, imm. 3, imm. 1-imi (Danmarkimiit Kalaallit Nunaannut nuussineq) aamma imm. 4-mi, oqaaseqatigiit siulliat (Kalaallit Nunaanniit Danmarkimut nuutsitsineq) atorunnaassasut.

§ 161, imm. 4-mi aalajangersagaq aallaqqaaammut ivertinneqarpoq (taamani § 104, imm. 2, imm. 2-tut) pinerluttulerinermik inatsimmi inatsisikkut nr. 292 juunip 8.-anni 1978-immersukkut.

§ 104, imm. 2, imm. 2 eqqartuussivik aalajangiisinggaavoq napparsimavimmun nuutsitsinissamik, pisariaqassappat Danmarkimi, imalunniit Danmarkimi pinerluuteqarsimasunik nakkutiliiviup ataani inissiisarfimmut tarnit nakorsaannik pisortalimmut piffissami killiligaanngitsumi, aamma Kalaallit Nunaanni inissiisarfimmut inissiisinggaaneq naammatumik isumannaatsuuusorineqanngippat. § 104, imm. 2 ilusilerneqarpoq Folketingip inatsisissamik oqaluuserinninnerani.

Inatsisissatut siunnersummut Isumaliuutissiissut malillugu (Folketingstidende 1977-78, tapiliussaq B, spa. 1077-78) § 104, imm. 2-mi aalajangersakkami siunertarineqarpoq eqqartuunneqarsimasunik nuutsisisinggaanermik periarfissiinissaq imaatsillugu nuutsitsineq isigineqartoq pisariaqartutut, pissutigalugu eqqartuussaasimasoq Kalaallit Nunaanni eqqartuussisarnerup killingisa iluanni suliaqarfingeqarsinnaanngimmat.

§ 161, imm. 4 -mi aalajangersagaq maanna ilusimisut ilusilerneqarpoq inatsit nr. 306 aprilip 30-anni 2008-kkut. Aalajangersakkamut naammas-siniaalluni piareersaatini ersippoq § 104, imm. 2, imm. 2-mut maannamut atuuttumut assingusoq (inatsisissatut siunnersuut nr. L 35 decembarip 12.-anni, 2007-imi § 161, imm. 4-mut oqaaseqarfinginnissutit, tak. Folketingstidende 2007-2008, tapiliussaq A, qupp. 1678)

Nuummi inissiisarfissap nutaap sananeqarneratigut § 161, imm. 3 aamma 4-p atuukkunnaarnissaannik siunnersuuteqarnerup kinguneranik apeqqutinngorpoq periarfissiissuteqartoqassanersoq tigummisassanngorlugit eqqartuussat Kalaallit Nunaanni inissiisarfinnut Nuummi tigummisassatut immikkoortortassamut nuutsissinggaassallugit. Peqatigitillugu apeqqutinngorpoq periarfissiissuteqartoqassanersoq tigummisassanngorlugit eqqartuussat tigummisassatut immikkoortortamiit immikkoortamut ammasumut nuutsisinggaallugit.

Tamatumunnga tunngatillugu oqaatigisassaavoq pinerluttulerinermik inatsimmi § 241, imm. 1-ikkut takuneqarsinnaammatt, kapitali 34 naapertorlugu (atuutinngiffit erseqqinnerusumik nalunaakkat ilaat ilanngullugit) tigummisassanngortitsineq inissiisarfinnut inissiinermik eqqartuussissutit qularnaatsumik naammassineqartarnerat pillugu aalajangersakkat malillugit qularnaatsumik kapitali 43-mi aalajangersakkat

naapertorlugit naammassineqartarmata. Kapitali 43 § 194-imi aalajangersagartaqarpoq Kalaallit Nunaanni Pinerluuteqarsimasunik Nakkutilliiviup Pisortaa aalajangiisartoq ilaatigut suliffeqarfiiit iluini nuutsitsisarnermik.

Pinerluttulerinermik inatsit taassumunnga tunngasumik §§ 198-imi aamma 199-imi pisortatigut ingerlatsinermi malittarisassartaqarpoq inissinneqarsimasunik Kalaallit Nunaanni suliffeqarfiiit iluini nuutsisisinnaanermik.

§ 198, imm. 1 malillugu immikkoortortami ammasumi inissinneqarsi-masoq immikkoortortamut matoqqasumut nuutsinneqarsinnaavoq, pineqartoq qimaasimaguni qimaariaruarsimاغانیلۇنىت، imalunniit nutaamik pinerluuteqarsimaguni. § 199, imm. 1 malillugu inissinneqarsimasoq immikkoortortami matoqqasumiittooq immikkoortortamut ammasumut nuutsinneqarsinnaavoq, immikkoortortami matoqqasumiin-neq isumannaatsuunissamik pingaartitsineq pisariaqarsorinarunnaarpas, aamma sukangannginnerusumik inissiinissaq ilalernartuutinnejarpas.

§ 198-imik naammassinninnissamut piareersaatini takusassaavoq (inatsisissatut siunnersuummi L nr. 35 decembarimi 2007-mi § 198-imut oqaaseqarfinginnissutini, tak. Folketingstidende 2007-2008, tapiliussaq A, qupp. 1687) aalajangersakkap mm. 1-imiittup aalajangersarai inissinneqarsimasup unioqqutitsisannginnissamut immikkoortortassaalerumaartutut siunnersuutigineqartumut Nuummiittussamut piumasaqaatit. § 199-ip naammassinissaanut piareersaatini (inatsisissatut siunnersuut nr. L 35 decembarip 12.-anni 2007, tak. Folketingstidende 2007-2008, tapiliussaq A, qupp. 1678), takusassaavoq imm. 1-imi aalajangersakkap aqukkaa unioqqutitsisannginnissamut immikkoortortassaalerumaartutut siunner-suutigineqartumut Nummittussamut nuutsitsisarnissaq.

§ 198, imm. 1-imi, aamma § 199, imm. 1-imi aalajangersakkat taamaalillutik erseqqissumik anguniagarigaat unioqqutitsisannginnissamik immikkoortortassaalerumaartumut Nuummittussanut tassanngaanniillu pisortatigut ingerlatsinikkut nuutsitsisarnissaq.

Tamanna tunuliaqtaralugu ilimagineqarsinnaanngilaq § 198, imm. 1, aamma § 199, imm. 1 atorsinnaasut tigummisassanut immikkoortoqarfissamut matoqqasumut Nummittussamut nuutsitsinissamut periarfisiissutitut.

*3. Justitsministereqarfíup isumaliutersuutai aamma aaqqissuussinis-  
satut siunnersuutigineqartoq*

*3.1. Allannguutissatut siunnersuutinut takussutissat*

Siunnersuutigineqarpoq tigummisassanngorlugit eqqartuussanik inissiarneq nuutsitsisarnerlu pillugit pinerluttulerinermik inatsisip aalajangersagaanik allannguissutissat arlallit ivertinneqassasut, tak. imm. 3.1.1.-3.1.3. ataani.

Aammattaaq siunnersuutigineqarpoq Kalaallit Nunaanni eqqartuussiarneq pillugu inatsimmi nakkutigisat inissinneqartarneri pillugit malittarisassat allannguiffigissallugit., tak. imm. 3.1.1. ataani.

*3.1.1. Nakkutigisassatut tigummineqartussatullu eqqartuunneqartut Danmarkimut inissinneqartarneri pillugit aalajangersakkat atorunnaarnerat*

Siunnersuutigineqarpoq tigummisassanngorlugit eqqartuunneqartut inissinneqartarnerannik aalajangersagaq atuukkunnaassasoq.

Imm. 2.1-mi allaatigineqartutuut naapertorpaa pinerluttulerinermik inatsisip §161-iani, imm.5, justitsminimisterip nalunaarutikkut atorunnaarsissinnaagai § 148, imm. 3, aamma § 161, imm. 2-mit 4-mut, nuutsitsinermut aamma Danmarkimi inissinneqarnissamik eqqartuussissutinut tunngasut. Taamatuttaaq Kalaallit Nunaanni eqqartuussisarneq pillugu inatsimmi § 372, imm. 3 malillugu malitsigaa justitsministerip nalunaarutikkut §§ 371 aamma 372 tigummineqartut Danmarkimut inississinnaanerat atorunnaarsissinnaagaa.

Inissiisarfissaq, ilaatigut tigummisassanngortitanut immikkoortortaqaqtussaq Nuummi maanna sananeqarmat, 2018-imilu naammassineqartussatut piariissasoq ilimagineqarluni, Justitsministerie pilersaарpoq pinerluttulerinermi inatsimmi § 148, imm. 3, aamma § 161, 2-mit 4-mut aammalu Kalaallit Nunaanni eqqartuussisarnermik inatsimmi § 371 aamma § 372 atorunnaarsinnejassasut, erseqqinnerusumik tak. ataani imm. 3.2.

*3.1.2. Inunnik inatsisip atuutilerneratigut tigummisa-  
sanngorlugit eqqartunneqartunik nuutsitsineq*

Siunnersuutigineqarpoq inuit inatsisip atortuulersinneratigut tigummisas-sanngorlugit eqqartuunneqartut pillugit erseqqinnerusunik malittarisassat invertinneqassasut Kalaallit Nunaanni nunami namminermi nuutsitsineq pillugu.

Inatsit atuutilerpat inuit pinerluttulerinermik inatsit malillugu tigummi-sassatut eqqartuunneqartut inissinneqartassapput Kalaallit Nunaanni inissiisarfiup immikkoortortaani ammasumi (soorlu tamanna periarfis-saareersoq) imalunniit Nuummi tigummisassanngortitanut immikkoor-tortaassami, tamatumunnga erseqqinnerusumik tak. imm. 3.2-mi, ataani.

Soorlu imm. 2.3-mi allaatigineqareersoq ilimagineqarsinnaanngilaq pinerluttulerinermik inatsit periarfissiissasoq tigummisassatut eqqartuun-neqartut Kalaallit Nunaanni inissiisarfimmi immikkoortortamit ammasumit tigummisassanngortitanut Nuummi immikkoortortartaas-samut imalunniit illuanut nuutsitsinissamik.

Justitsministeriap tamanna tunngavigalugu siunnersuutigiumavaa, immik-kut periarfissiissutissamik invertitsisoqassasoq, Kalaallit Nunaanni Piner-luuteqarsimasunik nakkutilliiviup Pisortaa aalajangiisinjaassasoq tigum-misassatut eqqartunneqarsimasoq immikkortortamit ammasumit nakkuti-gisanut immikkoortortamut nuutsinneqassasoq, tak. ataani 3.3.1, aamma Kalaallit Nunaanni Pinerluuteqarsimasunik Nakkutilliivimmi Aqutsisut immikkut ittumik piginnaatitsissuteqartoqassasoq aalajangersin-naapput matoqqasumiit ammasumut nuunneqassasoq, tak. ataani 3.3.2.

### *3.1.3. Inunnik inatsisip atuutilereerneratigut tigum-misassanngorlugit eqqartuussaasunik nuutsitsisar-nissaq*

Siunnersuutigineqarpoq erseqqinnerusunik malittarisassaliortoqassasoq inunnik inatsisip atuuttunngortitaannginnerani tigummisassanngorlugit eqqartuunneqarsimasunik nuutsitsisarnissaq pillugu. Taakkua tassaapput tigummisassanngorlugit eqqartuunneqarsimasut, Danmarkimi pinerluu-teqarsimasunik nakkutilliiviup ataani inissiisarfimmut tarnit nakorsaannit siuttoqartumut inissinneqarsimasut, aamma tigummisassanngorlugit eqqartuunneqarsimasut Kalaallit Nunaanni inissiisarfiup immikkoor-tortaani ammasumi inissinneqarsimasut.

Imm. 2.2.-mi allaatigineqarpoq ilimagineqarsinnaanngitsoq pinerluttulerinermik inatsimmi periarfissiissuteqartoqartoq tigummisassanngorlugit eqqartuunneqarsimasunik Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik siulersorneqartumik eqqartuunneqarsimasunik imalunniit nuutsinneqarsimasunik Nuummi tigummisassanngorlugit immikkoortortaqarfissamut nuutsitsisarnissamik. Justitsministeria tamanna tunngavigalugu tamatumunnga periarfissiisutissamik ivertitsivissaliumavoq.

Nuummi inissiisarfittaassamut tigummisassanngorlugit eqqartuunneqarsimasunik nuutsitsinissamut periarfissiissutissamik ivertitsinissaq peqquteqarpoq pinerlussimasut inissisimasassasut najukkaminnut qaninнеруsumi, aamma allatigut piumasaqaatit pineqartut Nuummi inissiisarfittaassamut nuutsitaanissaq kissaatigigaat. Kisianni pinngitsoorneqarsinnaanngilaq inuit taakkua ilaasa arlallit kissaatigisinnaammassuk Herstedvesterimi Parnaarussivimmiiгinnarnissaq Nuummut nuutsitaanis-saminngarnit. Assersuutigalugu pineqarsinnaapput inuup ukiorpanni Danmarkimi inissiisarfimmeernermermi kingorna Kalaallit Nunaannut attuumassutaarussimanera. Tamanna tunuliaqtaralugu naapertuuttutut isiginanngilaq inuit taakkua Danmarkimi ukiorpanni inissiisarfimmiitsitaareernerermikkut kissaatiginngisaminnik Kalaallit Nunaannut utertin-nissaat, aamma taamaattumik Justitsministeriap siunnersuutigaa inuit Herstedvesterimi Parnaarussivimmut inissitaareersimasut toqqaasin-naatitaassasut Danmarkimiit Kalaallit Nunaannut nuutsitaanissaminnik kissaateqarnerlutik, tak. ataani imm. 3.4.1.

Peqatigitilluguttaaq siunnersuutigineqarpoq, periarfissiissuteqartoqas-sasoq, tigummisassanngorlugit eqqartuunneqarsimasut nangittumik Herstedvesterimi Paarnaarussivimmiiitaassinnaanissamik toqqaasimasut Kalaallit Nunaanni Pinerluuteqarsimasunik Nakkutilliiviup ataani immikkoortortamut ammasumut nuutsissinnaanissaat, siunertamut naapertuuttuusorinarpas aamma isumannaatsuutitsinissamik pingaartitsi-nermut tulluuppata (tamatumunnga erseqqinnerusumik ataani tak. imm. 3.4.2)

Imm. 2.3-mi allaatigineqartutuut ilimagineqarsinnaanngilaq pinerluttulerinermik inatsit periar-fissiisoq tigummisassatut eqqartuunneqarsimasut Kalaallit Nunaanni inissiisarfimmut ammasumut Nuummi tigummis-sanngortitanut immikkoortortaqarfiusersussamut nuutsinnissaannik.

Justitsministeria taamaattumik periarfissaqarpoq immikkut periarfissiisummik ivertitsissalluni, eqqartuussivik aalajangiisinhaassasoq inuit inatsisip atuutilinnginnerani tigummisassatut eqqartuunneqarsimasut, aamma immikkoortortamut ammasumut inissinnejarsimasut tigummisassanut immikkoortortassamut nuutsinnissaannut, tak. ataani 3.4.3.

*3.2. Nakkutigisassatut eqqartuunneqartut tigummineqartullu Danmarkimut inissinnejartarnerannik aalajangersakkap atorunnaarsinnissa.*

Pinerluttulerinermik inatsimmi § 161, imm. 5-imi periarfissiissuteqarpoq nalunaarutikkut § 148. imm. 3-p, aamma § 161, 2-mit 4-p, nuutsinsinnaanermut aamma Danmarkimut inissiinissamik eqqartuussissutip atorunnaarsinnissaanut, Nuummi tigummisassanngortitanut immikkoortortassaq pilersinneqarsimalerpat.

Aammataaq Kalaallit Nunaanni eqqartuussisarneq pillugu inatsit § 372, imm. 3-ani piginnaatitsivoq nalunaarutikkut §§ 371 aamma 372 atorunnaasissinnaallugit, tigummisanik Danmarkimut inissiinermik, Nuummi nakkutillivittut immikkoortortap pilersinneqareernerani.

Taamaakkaluartoq Justitsministeriamit isumaqartoqarpoq siunertamut naleqqunnerussasoq pinerluttulerinermik inatsimmi § 148, imm. 3-mi aamma § 161, imm. 2-4-mi, peqatigalugu § 161, imm. 5-imi, aamma Kalaallit Nunaanni eqqartuussisarnermik inatsimmi §§ 371 aamma 372 aalajangersakkanik atorunnaartsinerit inatsisikkut pippata. Tamatumunga pingaartumik tunngaviuvoq, inatsimmut peqatigitillugu ilaatigut eqqunnejarsinnaammat piginnaatitsinissaq nakkutigisassatut eqqartuussat Danmarkimut inissinnejarsimasut Nummi nakkutilliivittut immikkoortortamut nuutsinneqarsinnaasut.

Tamanna tunngavigalugu siunnersuutigineqarpoq aalajangersakkat atuuttuujunnaarsinnejassasut, aamma Justitsministerip – inatsisissap atuutilissappat – inatsisissap atuutilernissaanik erseqqinnerusumik piffissaliineq aalajangersassavaa.

Inatsisip atuutilernera kinguneqarpoq ikaarsaariarnermi aalajangersakkat atuukkuunnaassasut, piumasarineqarpoq pissasoq nakkutilliinermut immikkoortortaq Nuummi piulereerpat, aamma taamaalluni pisariaarulluni nakkutigisassatut eqqartuussat tigummisassallu Danmarkimut inississallugit.

Soorluttaaq aalajangersakkat atorunnaarnerata kingunerissavaa, piginnaatitsisoqarunnaassasoq nakkutigisassatut Danmarkimut inissinnissaanut nuutsinnissaannullu, kisianni tak. ataani, soorlu aamma piginnaatitsisoqarunnaassasoq tigummisassat Danmarkimut inissinnissaannut.

Tigummisassatut eqqartuussaq tamatuma kingorna periarfissatut siullertut Kalaallit Nunaanni tigummisassanngorlugit immikkoortortamut inissineqartalissaq, tak. pinerluttulerinermik inat-simmi § 241, imm. 2.

Pineqartoq nalilerneqarpat immikkoortortami ammasumi inissinneqarsinnaasoq, aamma taamatut inissiineq naammattumik isumannaatsuusorinarpas, immikkut isiginninnikkut aalajangiisoqarsinnaavoq immikkoortortamut ammasumut inissineqassasoq.

Justitsministeriamit paasinninneq malillugu pisariaqartoq – pinerluttulerinermik inatsisip § 194-ia aallaavittut naapertorlugu – tassaasari-aqarpoq Kalaallit Nunaanni Pinerlussimasunik nakkutilliiviup Siuttui nakkutigisassassatut eqqartuussat pillugit aalajangiisassallutik. Tassunnga tunngatillugu piumasarineqarpoq pinerluttulerinermik inatsisip § 241, imm. 4 (siunissami § 241, imm. 6) malillugu malittarisassanik aalajangersaasoqartariaqartoq – immikkoortortami ammasumit nakkutigisaasutut eqqartuussap inissinnissaa pillugu aalajangersaasoqartinnagu – Rigsadvokatimit oqaaseqaammik pissarsisimanissaq.

Aamma malugeqquneqarpoq pinerluttulerinermik inatsimmi § 257 aamma § 259 malilligit periarfissaqassasoq Kalaallit Nunaanni inissiisarfimmut imaluuniit nakkutigisassatut inissitassatut eqqartuussut - Danmarkimi, eqqartuussaq Daqnemarkimi najugaqarsimappat imaluuniit allatigut Danamrkimi nunaqvissuulluni, imaluuniit eqqartuussaq Danmarkimiissimappat, isumaqarfingeqarpallu naleqqunnerussasoq naammaassinninneq Danmarkimi pissasoq.

Tigummisassaq nangittumik aallaviusumik inissinneqassaaq inissiivittut unnuisarfimmi imaluuniit inissiisarfimmi, tak. Kalaallit Nunaanni pinerluttulerinermik inatsisip § 370-ia. Imm. 2.1-imi nassuaatigisatut piviusutigut aallaaviuvoq tigummisaq inissiisarfimmut inissinneqassasoq. Tamatumunnga atatillugu ilaatigut pisoqarsinnaavoq Nuummi inissiisarfittaassami matoqqasumut inissiisinnaaneq, inatsisissaq naammassisimalerpat.

Inatsisissatut siunnersuummi § 1, § 2, nr. 1-3, aamma § 3 innersuussutigineqarput.

*3.3. Inatsisip atuutilereerneratigut tigummisassatut eqqartuunneqartunik nuutsitsineq*

Siunnersuutigineqarpoq inuit inatsisip atuutilereerneratigut tigummisassatut eqqartuunneqartunut periarfissiissuteqartoqassasoq immikkoortami ammasuminngaaniit tigummisassanut immikkoortortamut nuutsisisinnaanermik (ataani imm. 3.3.1) aamma tigummisassanut immikkoortortamiit immikkoortortamut ammasumut (ataani imm. 3.3.2).

*3.3.1. Kalaallit Nunaanni tigummisassatut eqqartuussanik immikkoortortami ammasumiit tigummisassanut immikkoortortamut nuutsitsinssamut periarfissiissummik atulersitsineq*

Pinerluttulerinermik inatsimmi § 161, imm. 4 -mi oqaaseqatigiit siullerni aalajangersagaq atuukkunnaartussatut siunnersuutigineqartoq malillugu Danmarkimut nuutsitsilluni inissiineq pisinnaavoq, Kalaallit Nunaanni inissiisarfimmi inissiineq naammaginartumik isumannaatsuuusorineqanganikaangat.

Imm. 2.3-mi allaatigineqartutuut ilimagineqarsinnaamngilaq pinerluttulerinermik inatsit periarfissiissuteqarsinnaasoq tigummisassanngorlugit eqqartuussat Kalaallit Nunaanni inissiisarfimmi ammasumiit Nuummi inissiisarfissap tigummisassanut immikkoortortaqarfianut illuanullunnit nuutsitsisoqarsinnaasoq.

Tamanna tunuliaqtalaralugu siunnersuutigineqarpoq immikkut periarfissiissusiortoqassasoq inatsisip atuutilereerneratigut tigummisassanngorlugit eqqartuussinikkut aalajangiisoqarsinnaanngorlugu immikkoortortamut aamma sumut inissinneqarsimasoq tigummisassanut immikkoortortamut nuutsinneqarsinnaasoq.

Justitsministeriap paasinninera malillugu tamanna pisariaqarpoq – pinerluttulerinermik inatsimmi § 194 aallaavittut naapertorlugu – Kalaallit Nunaanni Pinerluuteqarsimasunik Nakkuilliviup Pisortaa tassaasariaqartoq tigummisassanngorlugit immikkortortamut nuutsinsissamik aalajangiisartussaq.

Tamanna tunngavigalugu siunnersuutigineqarpoq pinerluttulerinermik inatsimmi § 241-mi imm. 4 nutaaq ivertinneqassasoq, aalajangersaasoq Kalaallit Nunaanni Pinerluuteqarsimasunik Nakkutilliiviup Pisortaata aalajangersinnaagaa, immikkoortortami ammasumi inissinneqarsimasoq, pinerluttulerinermik inatsimmi § 161 malillugu tigummisassatut eqqartuunneqarsimasoq, nakkutigisassanut immikkoortortamut nuutsinneqas-sasoq, immikkoortortami ammasumi inissiisimaneq naammattumik isumannaatsuusorineqarsimanngippat.

Aalajangersagassatut siunnersuut taamaallaat atuuffeqassaaq inissi-tassatut eqqartuunneqarsimasunut inatsisip atuutilernerata kingornagut immikkoortortamut ammasumut inissinneqarsimasunut.

Nakkutilliivimmuit nuutsitsinissamut piumasaqaataavoq immikkoortor-tamut ammasumut inissiineq malunnarpoq naammattumik isumannaat-suunngitsoq. Tamatuma assigai § 161, imm. 4. Oqaaseqatigiit siuliini aalajangersakkamut, Kalaallit Nunaanni inissiisarfimmit Danmarkimi pinerluuteqarsimasunik nakkutilliiviup ataani tarnit nakorsaannik siuttu-limmuit nuutsitsineq pillugu, atuuttumut piumasaqaatit oqaasertalernerri.

Nakkutigisassanut immikkoortortamut nuutsitsineq pisinnaassaaq pisuni nuutsitsineq pisariaqartutut isigineqaraangat, pissutigalugu inissinne-qarsimasoq inissiisarfimmi aaqqissukkami ammasumi inissisimatin-neqarsinnaanngikkaangat.

Aalajangersagassatut siunnersuutigineqartoq pisinnaassaaq, soorlu piso-qarnerani inissitaq iliuutsimigut inissisimaqtiminut, sulisunut inissii-sarfimmiittunullunniit allanut navianarsinnaasumik pissuseqarpat, aamma inissiisarfimmiitinneqartoq qimaasimappat qimaanissaniluunniit pilersaa-rutigisimappagu.

Aalajangersagaq aammattaaq atuussinnaavoq pisuni inissiisarfimmi init allanngortititersimappata akisussaassusilimmik isumannaassorina-runnaarlutik, inissinneqarsimasoq inissisarfimmi inissisimassappat. Tamatumunnga tunngatillugu piumasarineqarpoq Kalaallit Nunaanni Pinerluuteqarsimasunik nakkutilliiviup siuttusa nakkutilliivittut immik-koortortamut nuutsitsinissamik apeqquq isummerfigissagaat piffissami nakkutillivittut immikkoortortamut nuutsitsineq pisinnaasoq inissiisarfimmi init sinaakkutisiinikkut allanngortiterneri suli pitinnagit.

Inatsisissatut siunnersuummi § 2, nr. 4 aamma § 3 innersuussutigineqarput.

*3.3.2. Kalaallit Nunaanni tigummisassatut eqqartuussat tigummisanut immikkoortortamit immikkoortortamut ammasumut nuutsisinnaanissammut periarfissiissutinik ivertitsinissaq*

Pinerluttulerinermik inatsimmi § 161, imm. 3, imm. 1 aalajangersakkami atuukkunnaartussatut siunnersuutigineqartumut Kalaallit Nunaanni inissiisarfimmit nuutsitsineq pisinnaavoq naapertuussorineqarpat naamattumillu isumannaatsuusorineqarpat. Imm. 2.2.-mi allaatigineqartutuut aalajangersagaq immikkut siunertaqarpoq Kalaallit Nunaanni inissiisarfip immikkoortortamut ammasumut iperagaajartuaarnermut ilaatut nuutsisisinnaaneq periarfissiuunniarlugu.

Imm. 2.3.-mi allaatigineqartutuulli ilimagineqarsinnaanngilaq pinerluttulerinermik inatsit imaqartoq periarfissiissutinik tigummisassanngorlugit eqqartuussat Kalaallit Nunaanni inissiisarfimmi ammasumiit Nuummi tigummissasanngortitanut immikkoortortami Nuummiittussamut nuunneqarsinnaasut illuatungaanolunniit.

Justitsministeriamit isumaqartoqarpoq tigummisassanngorlugit eqqartuussat Nuummi tigummisassanut immikkoortortaqrifimmut inissinneqartut tigummisassaanermiit iperagaajartuaarnermut atasumik pisortatigut ingerlatsinikkut nuutsinneqarsinnaanissannut periarfissaqartariaqartoq.

Tamanna tunngavigalugu siunnersuutigineqarpoq pinerluttulerinermik inatsimmi § 241, imm. 5, imm. 1-ikkut tamatumunnga immikkut periarfissiinissamik ivertitsisoqartariaqartoq, tamatuma, kinguneranik Kalaallit Nunaanni Pinerluuteqarsimasunik Nakkutilliiviup Pisortaa aalajangiisinnaanngorlugu, tigummisassatut immikkoortortami inissimasoq immikkoortortamut ammasumut nuutsinneqassasoq, siunertamut naapertuuppat aamma isumannaatsuutsinissamut tulluarpat.

Aalajangersagassatut siunnersuut tigummisassatut eqqartuunneqarsimasunut inatsisip atuutilereernerani Nuummi tigummisassanut immikkoortortamut inissinneqarsimasunut. Inuit taamaattut ilagaat tigummisassatut eqqartuunneqarsimasut inatsisip atuutilernerata kingorna tigummisassatut eqqartuunneqartut tigummisassanullu immikkoortortamut inissinneqartut, aamma tigummisassatut eqqartuunneqarsimasut § 241, imm. 4-mi

aalajangersagassatut siunnersuut malillugu nuutsinnejarsimasut Nuummi tigummisassanut immikkoortortamut. Aalajangersagaq atuuffeqassaaq tigummisassatut eqqartuunnejarsimasunut Herstedvesterimi Paarnaarus-sivimmiit Nuummi tigummi-sassanut immikkoortortamut nuutsitaaniar-lutik aalajangersagassatut siunnersuummi § 4, imm. 1 malillugu toqqaasimasunut, aamma tigummisassatut eqqartuunnejarsimasunut immikkoortortami ammasumiit tigummisassanut immikkoortortamut aalajangersagassatut siunnersuutigineqartumi § 4, imm. 3 malillugu nuutsinnejarsimasunik. Aammattaaq aalajangersakkatut siunnersuummi § 4, imm. 2-imi oqaaseqatigiit aappaat naapertorlugu tigummisassatut eqqartuunnejarsimasunut nakkutigisassatut immikkoortortamut nuunne-qartunut aalajangersagaq sunniuteqassaaq.

Immikkoortortamut ammasumut nuutsitaanissamut piumasaqaatit eqqar-saatigalugit aallaavittut § 161, imm. 3 imm. 1-imi aalajangersakkap atuuttumut naleqqiullugu allannguissutissanik siunniussaqartoqanngilaq. Tassunga atasumik innersuussutigineqarput § 161, imm. 3-mik naammassiniaalluni piareersaatini (imm. 2.2. inatsisisstatut siunner-suummut nr. L 265 maajip 2.-anni 1996-immersumut oqaaseqarfiginnis-sutit, tak. Folketingstidende 1995-1996, tapiliussaq A, qupp. 5202-5203, aamma § 1, nr. 1-imut oqaaseqarfiginnissutit, tak. Folketingstidende 1995-1996, tapiliussaq A, qupp. 5205) aamma imm. 2.2.-mi allaatiginninneq.

Oqaatigisariaqporli, aalajangersakkami atuuttumi nuutsitsinermut piu-masaqataassasoq inatsisitigut isumannaatsuunissamik isumaginninneq, aalajangersagassatut nutaatut siunnersuutigineqartumi allanngortin-neqarmat isumannaatsuunissamik isumaginninnermut tulluuttuunissaa. Tamatumuuna erseqqissarneqarpoq tamanut atuuttumik isumannaat-suunissamik isumaginninneq naatsorsuutigineqassasoq, tassunga ilagit-lugu pingaartumik pinaveersimatinniarlugu inissitaq salliutillugu atortariaqartoq inissisimasup pinerloqqinnginnissaa.

Tamanna tunngavigalugu nakkutillivittut immikkoortortamit immikkoortortamut ammasumut nuutsitsinissamut piumasaqataassaaq, nuutsitsineq isigineqassasoq siunertarisamut naapertuuttutut aamma isumannaallisaa-titut isigniakkanut naleqquttutut.

Piumasaqaatikkut tamatumuuna ersersinnejarpooq iperaajartuaarinermik aaqqissuussinermik aaqqissuussineq atuutissasoq inissisimasunut piffis-sami sivikikannersumi misiligummik iperagaagallarsinnaajumaartunut.

Tamatumunnga tunngatillugu piumasaqaataavoq pinerluttulerinermik inatsisip § 241, imm. 4-ani (siunissami § 241, imm. 5) malittarisassanik aalajangersaasoqassasoq, - nakkutigisassatut eqqartuussap immikkoortortamut aammasumut nuutsitsinissamik aalajangiisoqartinnagu - Rigsadvokatimit oqaaseqaammik pissarsisoqartassasoq.

Aammattaaq siunnersuutigineqarpoq imm. 5. imm. 2 nutaaq ivertinneqassasoq, aalajangersaasoq inissinneqarsimasoq nuutsitaanerup kingorna immikkoortortami inissismassalluni piukkunnanngitsoq, imalunniit inissiineq taanna naammattumik isumaannatsorsiorfiunngitsoq, Kalaallit Nunaanni Pinerluuteqarsimasunik nakkutilliviup Pisortaata aalajangersinnaavaa, inissitaq taanna tigummisassanut immikkoortoqarfimmut utertinneqassasoq.

Tamatuma assigaa aalajangersakkami atuuttumi § 161, imm. 3, imm. 2-mi Danmarkimut utertitsinermut piumasaqaatit oqaasertaligaanerat.

Nakkutigisassanut immikkoortortami inissinneqarsimasut utertinneqarsinnaapput pisumi nuutsitsineq pisariaqartutut isigineqarpat, pissutigalugu inissinneqarsimasoq inissiisarfittut aaqqissukkami aammasumi inissisimatinneqarsinnaanngikkaangat.

Aalajangersagassatut siunnersuut assersuutigalugu atuutsinneqarsinnaavoq pisuni inissinneqarsimasup inissisimaqtiminut pissusilorsorsimanera pissutigalugu, sulisunut imaluunniit inissiisarfimi allanut isumannaatsuunissamut navianartutut nalilerneqarpat, aamma pisuni inissinneqarsimasoq qimaariaruarsimappalluunniit.

Aalajangersagaq aammattaaq atuutsinneqarsinnaavoq pisuni inissiisarfimmi sinaakkutit imatut allanngortinneqarsimappata, isumannaatsuussasut illersorneqarsinnaanatik inissinneqarsimanersut inissiisarfimmiginnassappata. Tamatumunnga tunngatillugu piumasarineqarpoq Kalaallit Nunaanni Pinerluuteqarsimasunik Nakkutilliviup siuttuisa nakkutillivittut immikkoortortamut utertitsinissamik apeqqut isummerfigissagaat piffissami nakkutillivittut immikkoortortamut utertitsinerup pisinnaafiani, sinnaakkutit aaqqinniarlugit allanngortinnerat sioqqullugu.

Inatsisisstatut siunnersuummi § 2, nr. 4, aamma § 3 innersuussutigineqarput.

*3.4. Inunnik inatsisip atuutilernera sioqqullugu tigummisassatut eqqartuunneqarsimasunik nuutsitsineq*

Inunnut inatsisip atuutilernera sioqqullugu tigummisassatut eqqartuunneqarsimasunut, aamma Danmarkimi pinerluuteqarsimasunik nakkutilliveqarfíup ataani inissiisarfímmut tarnit nakorsaannik aqunneqartumut inissinneqarsimasunut, siunnersuutigineqarpoq Kalaallit Nunaanni tigummisassanngortunut immikkoortoqarfímmut nuutsitsinissamut (ataani imm. 3.4.1) aamma Kalaallit Nunaanni inissiisarfímmi immikkoortamut ammasumut nuutsitsinissamut (ataani imm. 3.4.2) periarfisiíssummik ivertitsisoqassasoq. Inunnut inatsisip atuutilernerata siornatigut tigummisassatut eqqartuunneqarsimasunut, aamma Kalaallit Nunaanni inissiisarfímmi immikkoortamut ammasumut inissinneqarsimasunut, siunnersuutigineqarpoq tigummisassanut immikkoortumut nuutsitsinissamut periarfisiíssuteqartoqassasoq (ataani imm. 3.4.3).

*3.4.1 Tigummisassatut eqqartuunneqarsimasunik Danmarkimi pinerluuteqarsimasunik nakkutillisoqarfíup ataani inissiisarfímmi tarnit nakorsaannik siuttoqartumiit Kalaallit Nunaanni tigummisassanut immikkoortoqarfímmut nuutitsinissamut periarfisiíssummik ivertitsinissaq*

Imm. 2.2-mi allaatigineqartutuulli ilimagineqarsinnaanngilaq pinerluttlerinermik inatsimmi periarfisiíssuteqassasoq tigummisassatut eqqartuunneqarsimasut Herstedvesterimi Parnaarussivimmit Nuummi tigummisassanut immikkoortoqarfímmut nuutsitsinissamik.

Tamanna tunngavigalugu siunnersuutigineqarpoq periarfisiíssummik ivertitsisoqassasoq Justitsministerip imalunniit ministerip taamaaliornisamik piginnaatitaata aalajangersinnaassagaa, inuit pinerluttlerinermik inatsimmi § 148, imm. 3, imalunniit § 161, imm. 2-mit 4-mut malittarisaagallartut malillugit, eqqartuunneqarsimasut imalunniit Danmarkimi pinerluuteqarsimasunik nakkutilliviup ataani inissiisarfínnit tarnit nakorsaannik aqunneqartumut inissitassatut, nuutsinneqarsinnaasut Kalaallit Nunaanni Pinerluuteqarsimasunik Nakkutilliviup ataani tigummisassanut immikoortortaqaqarfímmut.

Aammattaaq siunnersuutigineqarpoq tigummisassatut eqqartuunneqartut Kalaallit Nunaanni tigummisassanut immikkoortortaqaqarfímmut nuutsitaasinnaanissaa pisinnaasoq taamaallaat pineqartup akuersineratigut.

Siunnersuutip kingunerissavaa inuit pineqartut namminneq toqqaasinnaanisaat Danmarkimiit Kalaallit Nunaannut nuutsinneqarsinnaanissamut.

Siunnersuutip kingunerissavaattaaq Kalaallit Nunaannut nuutsitaasinnaaneq isigineqassasoq periarfissaajuartutut, t.i. inuit pineqartut toqqaasinnaassapput aallaqqaammut Herstedvesterimi Parnaarussivimmangiin-nasanerlutik aatsaallu kingusinnerusukkut Kalaallit Nunaannut nuutsitaallutik.

Kiisalu siunnersuutigineqarpoq justitsministeri nuutitsinissamut malittarisassanik erseqqinnerusunik aalajangersaassasoq. Tassunga tunngatil-lugu piumasarineqarpoq, ilaatigut malittarisassanik aalajangersaasoqas-sasoq nuutsitsinermi suliassanik suliaqarnermut malitassianik, tassunga ilagitillugit akuersisummiq pissarsisimanissamik, aamma nuutsitsineq qanoq sivisutigisumik naammassiniarneqarnersoq, akuersisummiq pissarsinermiit nuutsitsinermut.

Inatsisisamik siunnersuummi § 4 innersuussutigineqarpoq.

*3.4.2. Danmarkimi pinerluuteqarsimasunik nakkutilliiviup ataani inissi-sarfimmut tarnit nakorsaannik aqunneqartumut tigummisassanngorlugit eqqartuunneqarsimasut Kalaallit Nunaanni immikkoortortamut ammasu-mut nuutsissinnaanissaannut periarfissiissutissamik ivertitsinissaq*

Pinerluttulerinermik inatsimmi § 161, imm. 3-mi oqaaseqatigiit siulliit atuukkunnaarneratigut tigummisassanngorlugit eqqartuunneqarsimasut Herstedvesterimi Parnaarussivimmit Kalaallit Nunaanni Pinerluuteqar-simasunik nakkutilliiviup ataani immikkoortortamut ammasumut nuutsisisinnaanermik periarfissiissutaaruttussaavoq.

Justitsministeriamit isumaqartoqarpoq tigummisassanngorlugit eqqar-tuussaasimasut Herstedvesterimi nangittumik inissisimarusuttut tigum-missaanermit iperagaajartuaarnermut atasumik Kalaallit Nunaanni inissi-sarfimmut ammasumut pisortatigut ingerlatsinermi nuutsitsinissamik periarfissiissuteqartariaqartoq.

Tamanna tunngavigalugu siunnersuutigineqarpoq periarfissiissummiq ivertitsisoqartariaqartoq justitsministeri imalunniit ministerip taamaalior-nissamik piginnaaniligaa aalajangiisinnaanngorlugu inuit pinerluttuleri-nermik inatsit § 148, imm. 3, imaluunniit § 161, imm. 2-mit 4-mut aalajangersagaagallartut malillugit Danmarkimi pinerluuteqarsimasunik

nakkutilliiviup ataani tarnit nakorsaannik aqunneqartumik inissinneqarnissamik eqqartuunneqarsimasut imaluunniit nuutsinneqarsimasut nuutsinneqassasut Kalaallit Nunaanni Pinerluuteqarsimasunik Nakkutilliiviup ataani immikkoortortamut ammasumut nuutsinneqassasut, siunertamut naapertuussorinarpat aamma isumannaatsuutitsinissamik isumaginninnis-  
samut tulluarpat.

Kalaallit Nunaanni inissiisarfimmi immikkoortortamut ammasumut nuutsitsinissaq eqqarsaatigalugu tunngaviatigut siunnerfiunngilaq § 161, imm. 3, imm. 1-im i aalajangersakkami atuuttumi allanguinissaq. Tassunga atasumik innersuussutigineqarput § 161, imm. 3-mik naammas-sinniarnermi piareersaatit (imm. 2.2 inatsisissatut siunnersuummut nr. L 265 maajip 2.-anni 1996, tak. Folketingstidende 1995-1996, tapiliussaq A, qupp. 5202-5203, saniatigut oqaaseqarfinginnissutit § 1-mut, nr.1 tak. Folketingstidende 1995-1996, tapiliussaq A qupperneq 5205) oqaaseqarfinginnissutit tamanut atuuttut.

Oqaatigineqassaarli, aalajangersakkamut attuuttumut piumasaqaataamat nuutsitsineq inatsisitigut isumannaatsuunissamik isumaginninnermut naapertuuttuunissa, aalajangersagassatut siunnersuummi allanngortinneqarmat nuutsitsineq isumannaatsuunissamik isumaginninnermut tullutissasoq. Tamatumunnga erseqqissarniarneqarpoq tamanut atuuttumik isumannaatsuunissamik isumaginninnermut naatsorsuutigineqas-sasoq, tassunga ilagitillugu immikkut pinaveersimatinniarlugu inissinneqarsimasup pinerloqqinnissa.

Tamanna tunuliaqutaralugu Kalaallit Nunaanni inissiisarfimmi imikkoortortamut ammasumut nuutsitsinermi piumasaqaataassaaq, nuutsitsinerup siunertamut naapertuunissa aamma isumannaatsuutitsinissamik isumaginninnermut tulluuttunissa.

Piumasaqaammi tamatumunnga ilisimatissutigineqassaaq iperagaajar-tuaarneq allaqqaammut atugassaammat inissinneqarsimasunut piffis-sami sivikikannersumi misilummik iperagaagallarsinnaasussanut.

Siunnersuutigineqarportaaq inissinneqarsimasoq nuutsitsinerup kingorna ammasumi inissisimanissaminut piukkunnangitsuusoq malunnarsippat, imaluunniit taamatut inissiineq naammaginartumik isumaannatsorsior-fiunngitsoq, justitsministerip imalunniit ministerip taamaaliornissamik piginnaaniligaata aalajangersinnaavaa inissinneqarsimasoq Kalaallit Nunaanni tigummisassanut immikkoortortamut inissinneqassasoq.

Tamatuma assigaa aalajangersakkami atuuttumi § 161, imm. 3, oqaaseqatigiit aappaanni Danmarkimut utertitsinermut piumasaqaatit oqaasertaligaanerat.

Nakkutilliivittut immikkoortortami inissisimasunik nuutsitsineq pisin-naavoq pisuni nuutsitsineq pisariaqartutut isigineqaraangat pissutigalugu inissinneqarsimasoq inissiisarnermik aaqqissuussami ammasumi inissisi-masinnaanngitsutut.

Aalajangersagassatut siunnersuut assersuutigalugu atuussinnaavoq pisuni inissinneqarsimasoq pissusilersornini pissutigalugu inissisimaqatiminut, sulisunut imalunniit inissiisarfimmi allanut isumannaatsuunissamut navi-anarpat, aamma pisuni inissinneqarsimasoq qimaasimasoq taamaalior-nissamillunniit misiliisimasoq.

Aalajangersagaq aamma atorneqarsinnaassaaq pisuni inissiisarfimmi sinnaakkutaasut imatut allangorpata isumannaallisaanermut illersuuttaa-sinaajunnaarlutik inissinneqarsimasoq inissisimassappat. Tamatumunnga tunngatillugu piumasaqaataavoq justitsministerip imaluunniit ministerip taamaaliornissaamik piginnaatitaata nakkutilliivittut immikkoortortamut nuutsitsinissaq isummerfigissagaat piffissami nakkutilliivittut immik-koortortamut nuutsitsinerup pisinnaaffiani, inissiisarfimmi sinaakkutaa-sunut allannguutit allanngortinnejangannginnerini.

Siunnersuutigineqarpoq nuutsitsisarnermut malittarisassat erseqquin-ne-rusut justitsministerip aalajangersartassagai. Tamatumunna tunngatillugu piumasaqaataavoq ilaatigut nuutsitsinermut suliat ingerlanneqartarnerinut malittarisassanik aalajangersaasoqassasoq, tamatumunnga ilagitillugu – Kalaallit Nunaanni immikkoortortamut ammasumut nuutsitsisarnermik aalajangiineq sioqqullugu – Rigsadvokati tamanna pillugu oqaase-qammik pissarsiffigineqartassasoq.

Inatsisisssatut siunnersuummi § 4 innersuussutigineqarpoq.

*3.4.3. Tigummisassatut eqqartuussaasimasunik Kalaallit Nunaanni immikkoortortami ammasumiit Kalaallit Nunaanni tigummisassatut immikkoortoqarfimmut nuutsitsinissamik periarfissiissutissamik iver-tisineq*

Maanna Kalaallit Nunaanni inissiisarfinni tigummisassatut eqqartuun-neqarsimasut amerlanngitsut immikkoortortami ammasumi inissinne-qarsimasuupput. Inuit taakkua immikkoortoqarfimmum ammasumut inissinneqarsimapput Kalaallit Nunaanni eqqartuussivimmit pinerluttulerinermik inatsimmi § 161, imm. 1-mi aalajangersagaq attuuttuusoq malillugu.

Imm. 2.3-mi allaatigineqarneratulli ilimagineqarsinnaanngilaq pinerluttulerinermik inatsit tigummisassatut eqqartuussaasoq Kalaallit Nunaanni inissiisarfimmi immikkoortortami ammasumit Nuummi tigummisassanut immikkoortortassamut nuutsinnissaannut periarfissiisummik imaqartoq.

Tamanna tunngavigalugu siunnersuutigineqarpoq immikkut periarfissiisummik ivertitsisoqassasoq tigummisassatut eqqartuussat ammasumi inissinneqarsimasut tigummisassanut immikkoortumut nuutsinneqassasut. Eqqartuussivik Kalaallit Nunaanni immikkoortortamut ammasumi aalajangiisuummat, Justitsministeriamit paasinninneq malillugu aamma eqqartuussivik tassaasariaqartoq tamaattoqarnerani aalajangiisussaq tigummisassanut immikkoortortamut kingorna nuutsitsinissamik.

Tamanna tunuliaqtaralugu siunnersuutigineqarpoq, eqqartuussiviup aalajangersarsinnaagaa inuit pinerluttulerinermik inatsimmi § 161, imm. 1 maannamut aalajangersagaq malillugu eqqartunneqarsimasut, tigummisassatut immikkoortortamut nuutsinneqarsimasut, aamma Kalaallit Nunaanni Pinerluuteqarsimasunik Nakkutilliiviup ataani immikkoortortamut ammasumut inissinneqarsimasut nuutinnejqassasut Kalaallit Nunaanni Pinerluuteqarsimasunik Nakkutilliivup ataani tigummisassanut immikkoortortamut, immikkoortortami ammasumi inissitaasimaneq naammaginartumik isumannaatsuusorinanngippat.

Nakkutilliittut immikkoortortamut nuutsitsinermut piumasaqaataavoq immikkoortortamut ammasumut nuutsitsineq naammattumik isumannaal-lisaatitut naammaginarsimanngitsoq. Tamatuma oqaasertaligaanerata assigai § 161, imm. 4, oqaaseqatigiit siulliit malillugit piumasaqaatit, Kalaallit Nunaanni inissiisarfimmit Danmarkimi Pinerluuteqarsimasunik Nakkutilliiviup ataani inissiisarfimmum tarnit nakorsaannit aqunneqartumit nuutsitsineq pillugu.

Inissinneqarsimasunik nakkutilliivittut immikkoortortamut nuutsitsiso-qarsinnaassaq pisuni nuutsitsineq pisariaqartutut isigineqarpat, pissuti-

galugu inissinneqarsimasoq inissiisarfittut aaqqissukkap sinaakkusernerani inissisimatinneqarsinnaanngikkaangat.

Aalajangersagassatut siunnersuut atuutsinneqarsinnaassaaq pisuni inissinneqarsimasup pissusilfersornini pissutigalugu inissisimaqtiminut, sulisunut imalunniit inissiisarfimiittunut allanut isumannaatsuunissam navianartorsiortitsippat aammalu pisuni inissinneqarsimasoq qimaasimappat taamaaliornissamillunniit misiliisimappat.

Aalajangersagaq aammattaaq atuutsinneqarsinnaavoq pisuni inissiisarfimmi sinnaakkutaasut imatut allanngortinneqarsimappata imatut isumannaatsuunissaq illersorneqasinnaajunnaarluni inissinneqarsimasoq inissiisarfimmiginnassappat. Tamatumunnga atatillugu piumasaqaataavoq nakkutilliivittut immikkoortortamut nuutsitsinissamik apeqqut eqqartuussivimmut apuunneqassasoq piffissami nakkutilliivittut immikkoortortami nuutsitsinissap pisinnaaffiani, inissiisarfimmi sinnaakkutaasuni allanngortitsinerit aallartinnginnerini.

Inatsisisssatut siunnersuummi § 4 innersuussutigineqarpoq.

### *3.5. Tigummisassatut eqqartuunneqarsimasut Nuummi inissiisarfimmi inissinneqarnissaat*

Tigummisassatut eqqartuunneqarsimasut Kalaallit Nunaanni inissiisarfimmi immikkoortortami ammasumi inissinneqanngitsut Nuummi inissiisarfittaassami, taanna 2018-imi piareerpat, matoqqasutut immikkoortortaqrifimmut inissinneqassapput.

Pinerluuteqarsimasunik Nakkutilliiviup Pisortaqarfiata tassunga tunngasumik nalunaarutigisimavaa, inissiisarfissaq tamakkiisumik atuuffimmini katillugit 76-inut inissaqartoq, immikkoortortaqrifimmi inissanik matoqqasunut 40-nut aammalu immikoortortaqrifimmi ammasumut inissanut ammasunut 24-nut kiisalu iperagaajartuaartunut inissanut 12-inut.

Pilersaarusiornermi piumasaqaataasimavoq inissiisarfimmi inissinneqassasut tigummisassatut eqqartuussaasimasut 20-t, kisianni piumasaavoq inissat matoqqasut 40-t eqaatsumik atorneqassasut, pisariaqartuulernermi pisartunut naammattusaaraluni.

*4. Pisortanut Aningaasaqarnikkut pisortatigullu ingerlatsinermi kinguneqaatissat*

Ilaatigut nalornissutigineqarpoq Herstedvesterimi Paarnaarussivimmi nakkutigisassatut eqqartuussanit qassit Danmarkimiiginnarumanersut, taamaattumillu kissaatiginagu Nuummi inissiisarfimmut nuutsinnejarnisartik. Direktoratet for Kriminalforsorgenip nalilerpaa maanna nakkutigisassatut eqqartuussanit affaasa missingi pineqartut. Tamanna isumaqarpoq Herstedvesterimi Paarnaarussivimmi inissat arlallit tigummiin narneqassasut, tamannalu isumaqartoq aningaasartuuteqarnerunissamik. Aningaasartuuteqarnerunerit taakkua Justitsministeriamut maanna atugassiissutit iluanni isummaarneqarsinnaapput.

*5. Inuussutissarsiornermut aningaasaqarnikut pisortatigullu ingerlatsinermut kinguneqaatissat il.il.*

Inatsisisstatut inuussutissarsiornermut imaluunniit pisortatigut ingerlatsinermi kinguneqaatssanik il.il. soqanngilaq.

*6. Innuttaasunut pisortatigut ingerlatsinermut kinguneqaatissat*

Inatsisisstatut siunnersuut innuttaasunut pisortatigut ingerlatsinermut kinguneqaatissanik soqanngilaq.

*7. Avatangiisinut kinguneqaatissat*

Inatsisisstatut siunnersummi avatangiisinut kinguneqaatissanik soqanngilaq.

*8. EU-mi inatsisiliornissamut pissuseq*

Inatsisisstatut siunnersuut EU-mi inatsisilioriaatsimut sammisunik soqanngilaq.

*9. Oqartussaasut il.il. tusarniaaviusut il.il.*

Inatsisisstatut siunnersummut missiliut piffissamik killilimmik 20. de cember 2016-imiit 27. Januar 2017-imut tusarniaassutitut nassiuornerqarpoq oqartussaasunut aamma kattuffinnut il.il.:

Kalaallit Nunaanni Eqqartuussivik, Kalaallit Eqqartuussivii, Eqqartuussivinnik Aqutsisoqarfik, Naalagaaffiup Unnerluussisoqarfia, Naalagaaffimmi Politiit, Kalaallit Nunaanni Politimesteri, Piner luuteqarsimasunik Nakkutilliiviup Pisortaqarfia, Kalaallit Nunaanni

Pinerluuteqarsimasunik Nakkutilliivik, Den Danske Dommerforening, Dommerfuldmægtigforeningen, Kredsdommerforeningen, Foreningen af Offentlige Anklagere, Politiforbundet i Danmark, Grønlands Politiforening, Advokatrådet, Danske Advokater, Landsforeningen af Forsvarsadvokater, Grønlandske Advokater, Forsvarerforeningen i Grønland, Institut for Menneskerettigheder, Amnesty International, Retspolitisk Forening, Fængselsforbundet, Faggruppen af Socialrådgivere i Kriminalforsorgen, Foreningen af institutionschefer og områdechefer, Kriminalforsorgsforeningen, Landsforeningen KRIM, Landsforeningen SIND og Landsforeningen af nuværende og tidligere psykiatribrugere.

Inatsisisatut siunnersuutitut missiliut januarip 18-ianni 2017-imuit februarip 17-ianni 2017-imut Namminersorlutik Oqartussanit oqartussaasunut soqutigisaqaqtigiiffinullu il.il. aammattaaq makkununnga nassiussorneqarsimavoq:

Kalaallit Nunaanni Inuit Pisinnaatitaaffii pillugit Siunnersuisoqatigiit, Kalaallit Illuutaat, Kommuneqarfik Sermersooq, KANUKOKA, Kalaallit Nunaanni Isumaginninnermi Oqartussaqarfik, Dansk Psykologforening, kreds Grønland aamma Meeqqat Inuuusuttullu Oqaloqatiginnittarfiat (MIO) – Meeqqat Oqaaseqartartuat.

Inatsisisatut siunnersuummut missiliut aammattaaq Namminersorlutik Oqartussanut saqqummiunneqarpoq oqaaseqarfingisassatut.

#### *10. Eqiterlugu takussutissiissut*

	Kinguneqaatissat pitsaasut /aninggaasartuutit ikinnerusut	Kinguneqaatissat pitsaanngitsut /aninggaasartuutit amerlanerit
Naalagaaffimmut, kommuninut nunallu immikkoortuinut aninggaasatigut kinguneqaatissat	Soqanngilaq	Pingaarutilinnik soqanngilaq

Naalagaaffimmut, kommuninut aamma nunap immikkoortuinut allaffissornikkut kinguneqaatissat	Soqanngilaq	Soqanngilaq
Inuussutissarsiornermut atingaasaqarnikkut kinguneqaatissat	Soqanngilaq	Soqanngilaq
Inuussutissarsiornermut pisortatut ingerlatsinermi kinguneqaatissat	Soqanngilaq	Soqanngilaq
Avatangiisirut kinguneqaatissat	Soqanngilaq	Soqanngilaq
Innuttaasunut pisortatigut ingerlatsinermi kinguneqaatissat	Soqanngilaq	Soqanngilaq
EU-mi inatsisiliornermut pissuseqarneq	Inatsisisitatut siunnersuut Inatsisiliornermut sammisunik ilaqaanngilaq	EU-mi Naagga X
EU-p inatsisaanni minnerpaaffissatut pisussaaffiliussat nuullugit atuuttussanngortinneqar nerat (X-iliigit)	Aap	

*Inatsisisitatut siunnersuummi aalajangersakkanut ataasiakkaanut  
oqaaseqarfinginnissutit*

### § 1-imut

Nr. 1-imut aamma 2-mut

Kalaallit Nunaanni Eqqartuussisarneq pillugu inatsimmi § 370, imm. 1-imi aalajangersakkap atuuttup kinguneranik, tigummisaq inissinneqartartoq inissiivittut unnuisarfimmi imalunnit inissiisarfimmi, imaassimanngikkangat eqqartuussivik aalajangiisimasoq pissusissani §

361-imi malitassat qasunganerusut atorniarlugit imaluunniit § 371 malillugu Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik siuttulimmut inissinniarluni. Atuuttuni aallaaviuvoq tigummisaq inissiisarfimmut inissinneqassasoq, inissiivittut unnuisarfiiit tigummisanut inissiisarfittut atuukkunnaarmata.

Kalaallit Nunaanni eqqartuussisarneq pillugu inatsisip § 371-ia malillugu eqqartuussivik aalajangiisinnaavoq tigummisaq – piumasaqaatit erseqqinnerusumik nalunaakkat tunngavigalugit – inissinneqassasoq Danmarkimi pinerluuteqarsimasunik nakkutilliiviup ataani inissiisarfimmi tarnit nakorsaannik siuttulimmi. Eqqartuussivimmut § 371 malillugu inissiinisaamut aalajangernermut periaassisami malittarisassat erseqqinnerusut aalajangersarneqarput eqqartuussisarneq pillugu inatsisip § 372-iani.

Siunnersuutigineqarpoq Kalaallit Nunaanni eqqartuussisarneq pillugu inatsimmi §§ 371 aamma 372 tigummisat Danmarkimi inissinnejartarnerannut aalajangersakkanut tunngasut atorunnaarsinneqassasut. Aalajangersakkat atorunnaarnissaata kingunissaa tassaassaaq tigummisaniq Danmarkimut inissiisarnermik piginnaatitsisarneq atuukkunnaassasoq.

Tigummisaq tamatuma kingorna nangittumi inissiivittut unnuisarfimmi imalunniit inissiisarfimmi inissinneqartassaaq, tak. Kalaallit Nunaanni eqqartuussisarneq pillugu inatsimmi § 370. Taaneqareersutut pisuni aallaaviuvoq tigummisaq inissiisarfimmut inissinneqassasoq. Tamatumunga tunngatillugu ilaatigut matoqqasumik inissiisoqartarsin-naassaaq Nuummi inissiisarfittaassaaq naammassisimalerpat.

§§ 371-ip aamma 372-ip atorunnaarnissaannik siunnersuutip kinguneranik siunnersuutigineqarpoq § 370, imm. 1-imi oqaasertaasa aaqqissuunnerini innersuussutiginiarlugu eqqartuussiviup § 371 malillugu Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik aqunneqartumut inissiinissamik aalajangersinnaaneranik atorunnaarsitsinissaq.

Allatigut inatsisisatut siunnersuummut oqaaseqarfinginnissutit tamanut atuuttut imm. 3.2-mut innersuunneqarput.

## § 2-mut

Nr. 1, 2 aamma 3-mut.

Pinerluttulerinermik inatsit § 148, imm. 3-mi, aamma § 161, imm. 2-4-mi malittarisassanik ilaatigut nakkutigisassatut eqqartuunneqartut Danmarkimut inissinneqartarnerannik.

Siunnersuutigineqarpoq aalajangersakkat pinerluttulerinermik inatsimmi § 148, imm. 3 aamma § 161. imm. 2-4 § 161, imm. 5 peqatigalugu atorunnaassasut.

Aalajangersakkat atorunnaarsinnerata sunniutigissavaa nakkutigisas-satut eqqartuussat Danmarkimut inissinneqarsinnaanerannik nuutsinneqarsinnaaneranillu piginnaatisisoqarsinnaajunnaassasoq.

Kingorna inuit pinerluttulerinermik inatsit malillugu nakkutigisassatut eqqartuunneqartut taarsiullugu Kalaallit Nunaanni isertitsisarfimmi immikkoortortami ammasumi inissinneqartassapput (massakkut pisinnaareersutut) imaluunniit Nuummi parnaarussivittaassami. Kalaallit Nunaanni Pinerluuteqarsimasunik Nakkutilliivimmi Aqutsisut – pinerluttulerinermik inatsimmi § 161 malillugu inuit nakkutigisassatut eqqartuussiviup eqqartuussimasai – isummerfigissavai inuk pineqartoq sumut inissinneqassanersoq, tak. pinerluttulerinermik inatsimmi § 194 aamma § 241.

Nakkutigisassatut eqqartuussaq aallaavittut inissinneqarsinnaavoq nakkutilliiviusumik immikkoortortamut, tak. pinerluttulerinermik inatsimmi § 241, imm. 2. Pineqartoq immikkoortortami ammasumi inissinneqarsinnaanissamut naleqqussimappat, aamma taamatut inissiineq naammattumik isumannaallisaanerusorineqarpat, qaqutiguinnaq immikkoortor-tamut aammasumut inissiinissaq aalajangiunneqarsinnaavoq.

Tamatumunnga tunngatillugu piumasarineqarpoq pinerluttulerinermik inatsimmi § 241, imm. 4 (siunissami § 241, imm. 6) malillugu malittarisassanik aalajangersaasoqarsinnaavoq – nakkutigisassatut eqqartuussap immikkoortortamut ammasumut inissinnginnissaanik aalajangii-soqannginnerani – Rigsadvokatimit oqaaseqaammik pissarsisimanissaq.

§ 161, imm. 2-5-ip atorunnaarnissaanik siunnersuuteqarnerup kinguneranik siunnersuutigineqarpoq § 148, imm. 2-p oqaasertaanik iluarsartuussinermi, § 161, imm. 1-imi innersuussut § 161-imik kingoraarserniarlugu.

Aamma inatsisisatut siunnersuummut oqaaseqarfinginnissutinut nalingin-naasuni imm. 3.2 innersuussutigineqarpoq.

Nr. 4-mut

Pinerluttulerinermik inatsimmi § 161, imm. 4, oqaaseqatigiinni siullerni aalajangersakkap atorunnarsinneqarnissaanik siunnersuutiginerata kinguneranik, Danmarkimut nuutsitsisoqarsinnaassaaq, imaassimappat Kalaallit Nunaanni inissiisarfimmi inissiineq naammattumik isumannaallisaaffiusimanngitsoq.

Saniatigut pinerluttulerinermik inatsimmi § 161, imm. 3, oqaaseqatigiiit siullit malillugit aalajangersagaq atorunnaartussatut siunnersuutigineqarsinnaavoq, Kalaallit Nunaanni inissiisarfimmut nuutsitsisalerluni isuma-qarfingineqarpat siunertamut naleqquttoq isumannaallisaanermullu naapertuuttoq. Aalajangersagaq aalajangersimasumik siunertaqarpoq periarfissiissutiginiarlugu iperagaajartuaarnermut atasumik Kalaallit Nunaanni immikkoortortaqrifimmut ammasumut nuutsitsisinnaaneq.

Ilimagineqarsinnaanngilaq pinerluttulerinermik inatsit imaqassasoq piginnaaniliisummik nakutigisassatut eqqartuussat nutsissallugit Kalaallit Nunaanni inissiisarfimmut ammasumut Nuummi inissiisarfittaassami illuanullu.

Tamanna tunngavigalugu siunnersuutigineqarpoq immikkut piginnaatitisoqassasoq inunnik inatsisip atuutilereerneratigut nakutigisassanut aamma immikkoortortamut ammasumut inissitassanik nakutilliivittut immikkoortortamut nuutsitsisinnaatitsilluni. Peqatigitillugu siunnersuutigineqarpoq immikkut piginnaaniliisoqassasoq inuit Nuummi nakutilliivittut immikkoortortamut inissinneqarsimasut nakutigineqarnermi iperagaajartuaarnemut atasumik immikkoortortamut ammasumut nuutsitsisinnaassallugit.

Taamaalilluni § 241, imm. 4-mi siunnersuutigineqarpoq Kalaallit Nunaanni Pinerluuteqarsimasunik nakutilliiviup siuttuisa aalajangersin-

naassagaat inissinneqarsimasoq immikkoortortaqaarfimmi aammasumiittooq, § 161 malillugu nakkutigisassatut eqqartuunneqarsimasoq, nuutsinneqassasoq nakkutilliivittut immikkoortortaqaarfimmum imassi-mappat immikkoortortami ammasumiinnej naammattumik isuman-naatsutut isumaqarfigineqarpas.

Siunnersuut tigummisassatut eqqartuunneqarsimasunut, inatsisip atuuti-lernerata kingorna immikkoortumut ammasumut inissinneqartunut sunniuteqassaaq.

Nakkutilliivittut immikkoortortamut nuutsitsinermut piumasaqataavoq immikkoortortamut ammasumut nuutsitsineq naammattumik isumannaatsutut isigineqanngitsoq. Tamatuma assigaa § 161, imm. 4, oqaaseqa-tigiinni siullerni aalajangersakkami piumasaqaatit oqaasertaligaanerat, Kalaallit Nunaanni inissisarfimmit Danmarkimi Pinerluuteqarsimasunik Nakkutilliiviup ataani inissisarfimmi tarnit nakorsaannik aqunneqartumut inissiinermut tunngasoq.

Nakkutilliivittut immikkoortortamut inissinneqarsimasunik nuutsitsiso-qarsinnaassaaq pisuni nuutsitsineq pisariaqartutut isigineqarpas, pissutigaluq inissinneqarsimasoq inissisarfimmi aaqqissukkanik inissisimaso-rineqarsinnaassangimmat.

Aalajangersagassatut siunnersuut assersuutigaluq atuussinnaassaaq pisuni inissinneqarsimasoq pissusilersornini pissutigaluq isumannaatsuunissamik navianartorsiortitsisimappat inissisimaqtigisanut, sulisunut inissisarfimmiittunut allanut, aamma pisuni inissinneqarsimasoq qimaasi-masoq tamaaliornissamullu misiliisimasoq.

Aalajangersagaq aammattaaq atorneqarsinnaassaaq isertitsivimmi atortut imatut allannguuqteqartinneqarpata inissinneqarsimasup inissisarfimmi inissinneqarsimanera isumannaallisaanikkut isumannaatsusutut isigine-qarsinnaajunnaartoq. Tassani piumasarineqarpoq Kalaallit Nunaanni Pinerluuteqarsimasunut Nakkutilliivimmi Aqutsisut isummerfigissagaat nakkutigisassat immikkoortortaannut nuutitsinissamik apeqquq piffissap imaalineraani pisinnaannersoq nuussinissaq pissalluni inissisarfimmi atortut allanngortinneqannginneranni.

Aammattaaq § 241, imm. 5, oqaaseqatigiinni siullerni siunnersuutigi-neqarpoq Kalaallit Nunaanni Pinerluuteqarsimasunik Nakkutilliiviup

siuttuisa aalajangersinnaagaat nakkutillivittut immikkoor-tortami inissinneqarsimasoq immikkoortortamut aammasumut nuutsinneqassasoq, siunertamut naleqqussorinarpas isumannaallisaanermullu naapertuuppat.

Aalajangersagaq siunnersuutigineqartoq malillugu inatsisip atuutilerneratigut Nuummi nakkutigisassanut immikkoortortamiitinneqartus- sanut eqqartuussanut sunniuteqartussaavoq. Inuit pineqartut tassaapput nakkutigisassatut eqqartuussat, inatsisip atuutilerneratigut nakkutigisassatut eqqartuussat nakkutigisassanullu immikkoortortami inissinneqarsi- masut kiisalu nakkutigisassatut eqqartuussat § 241, imm. 4-mi aalaja- ngersagassatut siunnersuut naapertorlugu immikkoortortamit ammasu- miit Nuummi nakkutigisassatut immikkoortumut nuutinneqarsimasut. Aamma aalajanger-sagaq nakkutigisassatut eqqartuussanut sunniuteqalersussaavoq, § 4, imm. 1-mi aalajangersagassatut siunnersuuti- gineqartoq malillugu Herstedvesterimi Parnaarussivissuarmiit Nuummi nakkutigisassanut immikkoortortamut nuutsinneqarnissaminnik kissaa- teqartunut aammalu § 4, imm. 3-mi aalajangersagassatut siunnersuut malillugu nakkutigisassatut eqqartuussanut immikkoortumit ammasumit nakkutigineqartut immikkoortuannit nuutsinneqarsimasunut. Kiisalu § 4, imm. 2-mi oqaaseqatigiit aappaat malillugu aalajangersagaq nakkutigineqartussatut eqqartuussanut sunniuteqalersussaavoq, nakkutigineqar- tussatut immikkoortortamut nutsinneqarsimasunut.

Immikkoortumut ammasumut nuutsitsinermut piumasaqaatit eqqarsaa- tigalugit § 161, imm. 3, oqaaseqatigiinni siullerni aalajangersakkamut atuuttumut aallaqqammut allannguissutissanik siunniussaqanngilaq.

Oqaatigineqassaarli nuutsitsinerup inatsisitigut isumannaatsuutitsinis- samik isumaginninnermut naapertuuttuunissaanik aalajangersakkami attuuttumi piumasaqaateqarneq, nutaamik aalajangersagassamik siunner- suummi allannguuteqarmat nuutsitsinerup navialisitseratarsinnaanissamik isumaginninnermut tuulluuttuunissamik. Tamatumuuna erseqqissarne- qarpoq tamanut atuuttumik navialitsinaveersimatitsinissaq isigimaneqar- tussaasoq, tassunnga ilagitillugu inissitap nutaamik pinerloratarsinnaa- nerata pinaveersimatinnissa.

Taamaalilluni nakkutigisat immikkoortuaniit immikkoortortamut amma- sumut nuutsitsinermi piumasaqaataassasoq, nuutsitsineq isumannaat- suutitsinissamik isumaginninnermut tulluartuussasoq. Piumasaqaammi tamatumani ersersinneqassaaq, iperaajartuaarnermik aaqqissuineq atugas-

saammat salliutillugu piffissami killilimmi inisisimasup misiligummik iperagaagallarsinnaanissa.

Tamatumunnga tunngatillugu piumasarineqarpoq pinerluttulerinermik inatsisip § 241, imm. 4-ani (siunissami § 241, imm. 6-imi) malittarisassanik aalajangersaasoqassasoq – nakkutigisassatut eqqartorneqartumik immikkoortortamut ammasumut nuutsitsinissamik aalajangerneq pitinnagu – Rigsadvokatimit tamanna pillugu oqaaseqaammik pissarsi-manissaq.

*§ 241, imm.5, oqaaseqatigii aappaat malillugu siunnersuutigineqarpoq inissinneqarsimasoq nuutsitaanermi kingorna malunnarsippat immikkoortortami ammasumi inissisimassalluni naleqqutinngitsoq, imalunniit nuutsitsineq taanna malunnarsippat naammattumik isumannaassuseqanganitsoq, Kalaallit Nunaanni Pinerluuteqarsimasunik Nakkuilliviup Pisortaata aalajangersinnaavaa inissinneqarsimasup tigummisassanut immikkoortortamut utertinnejarnissa.*

Tamanna aalajangersakkami atuuttumi § 161, imm. 3-mi oqaaseqatigii aappaat naapertorlugu Danmarkimut utertitsinermi piumasaqaatit oqaasertalersugaanerannut assinguvoq.

Utertitsisoqarnissa pinngitsoorneqarsinnaanngitsutut isigineqaraangat isertinneqartut nakkutigineqartussat immikkoortortaannut utertitsisoqarsinnaavoq, isertitsiviit ammasup iluani atugassaritat isertitsivimmittussatut eqqartuussamut tulluannginneri pissutigalugit.

Aalajangersagassatut siunnersuutigineqartoq taanna isertinneqarsi-masumut ulorianartorsiortitsisinnaasumut, isertitaqatiminik, sulisunik isertisivimmiluunniit allanut, kiisalu qimaasoqarsimatillugu imaluunniit taamatut misiliisoqarsimatillugu atuutilersinneqarsinnaagaluarpoq.

Aamma isertitsivimmittumut isertitsivimmi pissutsit atugassaritat isumannaatsuunissaasa illorsorneqarsinnaajunnaartutut isigineqaleraangata aalajangersagaq taanna atuutilersinneqarsinnaassaaq. Tamatumanili eqqaamaneqassaaq Kalaallit Nunaanni Pinerluuteqarsimasunut Isumaginnitoqarfimmi oqartussaasut, inissiisarfimmi atugassarititanik allangortitsilinnginnermi nakkutigisassat immikkoortuannut utertitsinissamik apeqqummut isummertussaammata.

Aamma innersuutigineqassaaq inatsisisssatut siunnersuut pillugu oqaaseqaatini immikkoortoq 3.3.

### § 3-mut

Siunnersuutigineqarpoq justitsministerip aalajangissagaa inatsit qaqugu atuutilersinneqassanersoq.

Inatsilli aatsaat atuutilersinneqassaaq Nuummi isertitsiviup immikkoortaa matoqqasoq maanna sananeqartoq nakkutigineqartussatut eqpartuussanut atorneqarsinnaalerluni iserterfigineqarsinnaalerpat.

### § 4-mut

Nakkutigineqartussatut eqpartuussat parnaarussivimmit Herstedvesterimiit Kalaallit Nunaanni pinerluuteqarsimasunut Isumaginnittoqarfiup immikkoortuanut ammasumut nuunneqarnissaannut inatsisitigut tunngavissaqassasoq ilimagisariaqanngilaq.

Taavalu pinerluttulerinermik inatsimmi § 161, imm. 3 oqaaseqatigiit siullit atorunnaarsinneratigut nakkutigineqartussatut eqpartuussat Par-naarussivimmit Herstedvesterimiit Kalaallit Nunaanni Pinerluuteqarsi-masunut Isumaginnittoqarfiup immikkoortaanut ammasumut nuunneqarnissaannut inatsisitigut tunngavissaarutissaaq.

Tamatumalu saniatigut ilimagineqartariaqanngilaq isertitsivimmi amma-sumiittussatut eqpartuussat Nuummi nakkutigineqartussanut isertitsivitaassamut nuutinnejarnissaat eqqarsaatigalugu pinerluttulerinermik inatsimmi tunngavissaqartoq.

Taamaammat siunnersuutaavoq nakkutigineqartussatut eqpartuunneqar-simasut matuma siuliini taaneqareersut nuunneqarnissaat siunertalaralugu immikkut piginnaaniliisoqassasoq.

Taamaammat *imm. 1-imi oqaaseqatigiit siullertut* siunnersuutigineqarpoq justitsministerip imaluunniit ministerip taamaaliornissamik piginnaanili-gaata aalajangersinnaagaa, inuit pinerluttulerinermik inatsimmi § 148, imm. 3, imalunniit § 161, 2-mit 4-mut malittarisassat maannamut atuuttut malillugit eqpartuunneqarsimasut imaluunniit Danmarkimi Pinerluute-qarsimasunik Nakkutilliviup ataani inissiisarfimmut tarnit nakorsaannik

aqunneqartumut inissinneqarsimasut, nuutsinneqarsinnaasut Kalaallit Nunaanni Pinerluuteqarsimasunik Nakkutilliviup ataani tigummisas- sanut immikkoortumut nuutinneqarsinnaasut.

*Imm. 1-imi oqaaseqatigiit aappaatigut* siunnersuutigineqarpoq tigummisassatut eqqartuunneqartut Kalaallit Nunaanni tigummisassanut immikkoortortaqarfimmut nuutitsineq pisinnaasoq pineqartup akuersine- ratigut aatsaat.

Siunnersuut kinguneqassaaq, pineqartut namminneq toqqarsinnaagaat Danmarkimut Kalaallit Nunaannulluunniit inissinneqarnissartik kissaate- qarnermikkut.

Siunnersuut kinguneqassaartaaq, Kalaallit Nunaannut nuutsinneqarsin- naanissaq periarfissarinneqartuartutut isigineqassammat, t.i. inuit pineqartut aallaqqaammut toqqarsinnaagaat Herstedvesterimi Parnaarus- sivimmi inisisimanissartik aatsaallu kingusinnerusukkut Kalaallit Nunaannut nuutsitaanissartik.

Aamma *imm. 2-mi oqaaseqatigiit siullertut* siunnersuutigineqarpoq, justitsministerip imalunniit ministerip tamaaliornissamik piginnaanili- gaata aalajangersinnaagaa, inuit pinerluttulerinermik inatsimmi § 148, imm. 3-mi imalunniit § 161, imm. 2-mit 4-mi malittarisassat maannamut atuuttut malillugit eqqartunneqarsimasut imaluunniit Danmarkimi piner- luuteqarsimasunut isumaginnittoqarfimmut atasumi tarnip pissusaanik ilisimasalinnik aqunneqartumut isertitsivimmut nuunneqartussat, Kalaal- lit Nunaanni Pinerluuteqarsimasunik Isumaginnittoqarfiup immikkoor- tortaanut nuunneqassasut, tamanna siunertamut iluaqutaalluni naleqqtutut imalunniit isumannaatsuunissamut tulluuttuusutut isigineqassappat.

Kalaallit Nunaanni inissiisarfimmi immikkoortortamut ammasumut nuutsitsinissamut piumasaqaatit eqqarsaatigalugit aallaqqaammut siuner- taatulli § 161, imm.3-mi oqaaseqatigiit siullianni aalajangersakkamut atuuttumut allannguinissamik siunniussaqartoqanngilaq.

Taasariaqaporli aalajangersakkami atuuttumi nuutsitsinerup inatsisitigut isumannaatsuunissamik isumaginninnermut naapertuuttuunissaanik piumasaqaat, nutaatut allannguutissatut siunnersummik allanngortin- neqarmat, nuutsitsineq isumannaatsuunissamik isumaginnittoqassasoq. Tamatumuuna erseqqissarneqarpoq tamanut atuuttumik isumannaatsu-

nissamik isumaginninneq pineqartoq, tassunga ilagitillugu inissitaasup pinerloqqinnginnissaanik isumaginninneq pingaartutut isumagineqartoq.

Tassa imaappoq Kalaallit Nunaanni inissiisarfimmi immikkoortortamut ammasumut nuutsitsinermi piumasaqaataassasoq nuutitsineq siunertamut iluaqutaassasoq isumannaatsuuutsinissamillu isumaginninnermut naleqququtissalluni. Piumasaqaatikkut tamatumunnga malugeqqunneqarpoq iperagaajartornissamik aaqqissuussineq salliutillugu atussasoq inissitanut piffissap sivisuallaanngitsup iluani misilgummik iperagaagallagaasin-naasussanut.

Siunnersuutigineqarportaaq *imm. 2-mi oqaaseqatigiit aappaat* nutaaq ivertinneqassasoq, taanna aalajangersaasoq inissitaasoq tamatuma kingorna immikkoortortami ammasumi inissismassalluni naleqqtinngitsqoq, imaluunniit inissiineq taanna naammattumik isumannaatsitsisuunngitsoq, Justitsministerip imaluunniit tamatumunnga piginnaanili-gaata, aalajangersinnaavaa, inissitaq taanna Kalaallit Nunaanni Pinerluttunik Nakkuilliiviup ataani tigummisassanut immikkoortortamut inissineqassasoq.

Tigummisassanut immikkoortortamut nuutsitsinermut piumasaqaatit paasineqassapput § 161, imm. 3-mi oqaaseqatigiit aappaanni atuuttumi Danmarkimut utertitsinermut piumasaqaatituulli.

Utertitsisoqarnissaa pinngitsoorneqarsinnaanngitsutut isigineqaraangat isertinneqartut nakkutigineqartussat immikkoortuannut utertitsisoqarsin-naavoq, isertitsiviit ammasup iluani atugassaritat isertitsivimmiittussatut eqqartuussamut tulluannginneri pissutigalugit.

Aalajangersagassatut siunnersuutigineqartoq taanna isertinneqarsimasumut ulorianartorsiortitsisinnaasumut, isertitaqatiminik, sulisunik isertitsivimmiluunniit allanut, kiisalu qimaasoqarsimatillugu imaluunniit taamatut misilooqarsimatillugu atuutilersinneqarsinnaagaluarpoq.

Aamma isertitsivimmiittumut isertitsivimmi pissutsit atugassaritat isumannaatsuunissaasa illorsorneqarsinnaajunnaartutut isigineqaleraanganata aalajangersagaq taanna atuutilersinneqarsinnaassaaq. Tamatumanili eqqaamaneqassaaq Kalaallit Nunaanni Pinerluuteqarsimasunut Isumaginnitoqarfimmi oqartussaasut, inissiisarfimmi atugassarititanik allanngortitsilinnginnermi nakkutigisassat immikkoortortaannut utertitsinissamik apeqqummut isummertussaammata.

Aamma *Imm. 3-mi* siunnersuutigineqarpoq eqqartuussiviup aalajangersinnaagaa inuit pinnerluttulerinermik inatsimmi aalajangersagaagallartumi § 161, imm. 1 malillugu tigummisassatut eqqartuunneqartut, tigummisassatut nuutinnejarsimasut, nuutsinneqassasut Kalaallit Nunaanni Pinerluttunik nakkutilliiviup ataani tigummisassanut immikkoortortamut, immikkoortortami ammasumi inissitaaneq naammattumik isumannaatsuunngitsutut nalilerneqarpat.

Tigummisassanut immikkoortumut nuutsitsinermut piumasaqaataavoq, immikkoortortamut ammasumut inissiineq naammattumik isumannaatsuunngitsutut paasinarsisisoq. Tamanna aalajangersakkami atuuttumi § 161, imm. 4-mi oqaaseqatigiit siulliat naapertorlugu Danmarkimut utertitsinermi piumasaqaatit oqaasertalersugaanerannut assinguvoq.

Nuutsitsinissaq pisariaqartutut isigineqaraangat inissitat tigummisassatut immikkoortortamut nuutsinneqarsinnaapput, inissitat inissiisarfimmi ammasumik aaqqissukkami killigititanut inissaqartinnejinginneri pissutigalugu.

Aalajangersagassatut siunnersuutigineqartoq atuussinnaaffeqassaaq, soorlu pisuni inissitaasup pissusilfersornini tunngavigalugu isumannaatsuunissamik inissisimaqatiminut, sulisunut imalunniit inissiisarfimmiittunut allanut navialisitsisinnaasutut ittuusoq, aamma pisuni inissitaq qimaa-simoq taamaliulersaarsimasorlunniit.

Aamma isertitsivimmiiittumut isertitsivimmi pissutsit atugassarititat isumannaatsuunissaasa illorsorneqarsinnaajunnaartutut nalilerneqaraangata aalajangersagaq taanna atuutilersinneqarsinnaassaaq. Tamatumanili eqqaamaneqassaaq Kalaallit Nunaanni Pinerluuteqarsimasunut Isumaginnitoqarfimmi oqartussaasut, inissiisarfimmi atugassarititanik allangortitsilinnginnermi nakkutigisassat immikkoortuannut utertitsinissamik apeqqummut isummertussaammata.

*Imm. 4-mi* siunnersuutigineqarpoq, justisministeri nuutsitsisarneq pillugu erseqqinnerusunik malittariassaliussasoq imm. 1 aamma 2 malillugit. Tamakununnga atatillugu piumasaqaataavoq, ilaatigut malittarisassalior-toqassasoq nuutsitsisarnermut suliassat pillugit, matumani ilanngullugu - § 4, imm. 2, oqaaseqatigiit siulliat naapertorluginu nuutitsinissaq pillugu aalajangiisoqartinnagu – Rigsadvokatip oqaaseqaataanik pissarsinissaq. Nuutsitsisarnerit § 4, imm.1-im i aalajangersagassatut siunnersuutigine-

qartut eqqarsaatigalugit piumasarineqarpoq, malittarisassanik aalajanger-saasoqassasoq akuersinermik pissarsinissaq pillugu aamma akuersiner-miit nuutsitsinerup naammassinissaata tungaanut piffissaq qanoq sivisuti-gissanersoq.

Innersuussutigineqarpoq inatsisissatut siunnersuummi oqaaseqatigiinni nalinginnaasuni imm. 3.4

## Inatsisissatut siunnersuutip inatsimmut atuuttumut naleqqiunnera

*Atuuttup oqaasertalernerri*

*Inatsisissatut siunnersuut*

### § 1

Kalaallit Nunaanni eqqartuussi-sarnermik inatsimmi, tak, inatsimmi nalunaarut nr. 1581 13. december 2016-meersoq, inatsimmi nr. 149,-mi 7. februar 2017-meersumi § 1-kut allangortinneqartumi. Allannguutit makkua invertinneqassapput:

#### 1.

§ 370, imm. 1-mi piissaaq »ima-luunniit Danmarkimi pinerluu-teqarsimasunik nakkutilliiviup ataani tarnit nakorsaannik aqun-neqartumut inissiisarfimmut inis-sineqassallutik § 371 malillugu«.

§ 370. Tigusaq parnaarunneqassaaq imaluunniit isertitsivimmut inissinne-qassaaq, § 361 naapertorlugu annikit-sumik akuliunnissaq pillugu qanoq iliuusissanik eqqartuussivik aalaja-angiisimannngippat imaluunniit § 371 naapertorlugu Danmarkimi pinerluu-teqarsimasunik nakkutilliiviup ataani inissiisarfimmut tarnit nakorsaannik aqunneqartumut inissiisimanngippat.

Imm. 2---

Imm. 3---

§ 371. Eqqartuussiviup aalajangersin-naavaa tigusaq Danmarkimi pinerluu-teqarsimasunik nakkutilliiviup ataani inissiisarfimmut tarnit nakorsaannik aqunneqartumut inissinneqassasoq, pissutissaqartumik pasitsaannejarpatoqtsisimasoq, tillinniarsimasoq, nammineersinnaajunnaarsitsisimasoq, sakkortuumik persuttaasimasoq, siorasaarinernillu pinerluttuleriner-mik inatsimmi § 98-mi taaneqartutut

2. §§-t 371 aamma 372 atorun-naassapput.

iliuuseqarsimasoq, pinngitsaaliisimasoq imaluunniit kinguaassiuutitigut sakkortuumik pinerluuteqarsimasoq imaluunniit ikuallatsitsisimasoq imaluunniit inatsisinik unioqqutitsinerit taakkua arlaannik pinerloriarsimasoq, aamma 1) tigusap qanoq issusianik paasissutissat aalajangivissumik pisutissaqarsorinassappata, tigusaq § 361 naapertorlugu tarnimigut sangeequteqarnera pissutigalugu anniksumik akuliunnissaq pillugu qanoq iliuuseqarfiginissaanut naleqqutinngitsoq imaluunniit § 370 naapertorlugu inissinneqarsinnaasoq imaluunniit 2) tigusap qanoq issusianik paasissutissat aalajangiisumik pissutissaqarsorinassappata § 361 naapertorlugu anniksumik akuliunnissaq pillugu qanoq iliuuseqarnikkut imaluunniit § 370 naapertorlugu inissiineq isumannaatsuutitsinermik kinguneqarnavianngitsut.

Imm. 2 Inunnut il.il. Danmarkimi pinerluuteqarsimasunik nakkutilliivip ataani inissiisarfimmut tarnit nakorsaannik aqunneqartumut tigum-mineqartut pillugit aneersinnaatitaa-neq pillugu akuersissuteqartarnerup nalunaarutigineqartarnera pillugu Justitsministeri malittarisassiorsin-naavoq, tamanna pillugu siornatigut iliuuseqartoqarsimanngippat. Tamatumunngalu atatillugu Justitsministe-rip aalajangersinnaavaa, malittarisas-sat taakkua naapertorlugit aalajanger-sakkat oqartussaasunut qulliuneru-sunut suliassanngortinneqarsinnaan-ngitsut.

**§ 372.** § 371 naapertorlugu inis-

siinissamik eqqartuussiviup aalajangiinera immikkut ittumik aalajangii-nikkut aalajangerneqassaaq. § 371 naapertorlugu eqqartuussivik inissiinissamik aalajangiippat, eqqartuussi-sut aalajangiinermi pissuiviusut allas-savaat, § 371-p eqqortinneqarneranik nalorninaallisitsisut.

Imm. 2. Eqqartuussiviup aalajangiinermini aalajangersassavaa inissiine-rup sivisussusissaanut piffissaliussaq. Sapingisaq naapertorlugu piffissali-ussaq sivikitsuusariaqarpoq, § 364 imm. 1-mi aamma 2-milu aalajanger-sakkat naapertorlugit tigumminninermi piffissaliunneqartoq qaanger-neqassanani. §§-t 363, imm. 2-4, 364, imm. 2 3-lu, 365, 366 aamma 368 taamatuttaaq atuutissapput.

Imm. 3. Justitsministerip §§ 372-372 nalunaarutikkut atorunnaarsissinnaavai.

## § 2

Kalaallit Nunaanni pinerluttulerinermik inatsimmi nr. 306, 30. april 2008-meersumi, inatsimmi nr. 735, 25. juni 2014-meersumi § 1-kut, inatsimmi nr. 103, 3. Febru-ar 2016-meersumi § 4-kut aamma inatsimmi nr. 149, 7. februar 2017-meersumi § 2-kut allanngortinneqartumi, makkua allanngortinneqassapput:

### § 148. ---

Imm. 2. Eqqartuussaq § 161, imm. 1-mi taaneqartunut ilaatinneqassappat eqqartuussiviup aalajangersinnaavaa tigummisassanngorlugu nuunneqas-sasoq, nuussinissaq § 234, imm. 1

#### 1.

§ 148, imm. 2-mi “§ 161, imm. 1” ima allanngortissaaq: “§ 161”

naapertorlugu pisinnaanngippat.

Imm. 3. Eqqartuussaasoq § 161, imm. 2, tak. imm. 1-imut ilaatinneqassappat, eqqartuussiviup aalajangersinnaavaa, eqqartuussaasoq Danmarkimi pinerluttunik nakkutiliiviup ataani inissiisarfimmut tarnit nakorsannit aqunneqartumut nuutinneqas-sasoq, nuutitsineq § 234, imm. 1 malillugu pisinnaanngippat. § 161, imm. 3 tamatumuuna assinganik atuutsinneqarsinnaavoq.

Imm. 4. ---

## 2.

§ 148, *imm. 3* atorunnaassaaq.  
Imm. 4 3-ngussaaq.

## 3.

§ 161, *imm. 2-5*  
atorunaassapput.

### **§ 161. ---**

Imm. 2. Pinerlusstoq tarnip pissusiatigut ajoqute-qarpat, pissuseq § 156, imm. 1-imi pineqartumit allaasumik, Kalaallit Nunaanni inissiisarfimmut inissinneqarsinnaasutut naleqqutinngitsutut isigineqarpat, pineqartoq eqqartuunneqarsinnaavoq Danmarkimi pinerluttunik nakkutiliiviup ataani inissiisarfimmut tarnit nakorsannik aqunneqartumut piffissami killili-gaanngitsumi inissinneqartussatut.

Imm. 3. Justitsministerip imaluunniit taassuma tamatumunnga piginnaatiataa, aalajangersinnaavaa, inuit imm. 2 malillugu Danmarkimi inissiisarfimmut inissinneqartussatut eqqartuunneqarsimasut, Kalaallit Nunaanni inissiisarfimmut nuutinneqassasut, isigineqarpat siunertamut naleqquttut aamma inatsisitigut isumannaatsunissamik isumaginninnermut naapertuuttitut. Eqqartuussaq Kalaallit Nunaanni inissiisarfimmiinnissamut nalequtingitsutut nalilerneqarpat,

Justitsministerip aalajangersinnaavaa pineqartoq Danmarkimi inissiisarfim-mut utertinneqassasoq.

Imm. 4. Eqqartuussiviup aalajanger-sinnaavaa, inuk § 161, imm. 1 malillugu tigummisassatut eqqar-tuunneqartoq Danmarkimi pinerluttu-nik nakkutilliiviup ataani inissiisarfimmut tarnit nakorsaannik aqunne-qartumut nuutinnejassasoq, Kalaallit Nunaanni inissiisarfimmut inissiinis-saq naammaginartumik isumanaatsu-tut isigineqanngippat. § 148, imm. 3, aamma § 161, imm. 3 assinganik atuuffeqarput.

Imm. 5. Justitsministerip nalunaaru-tikkut atuuk-kunnaarsissinnaavai §§ 148, imm. 3, aamma 161, imm. 2-mit 4-mut.

**§ 241.**---

*Stk. 2.*---

*Stk. 3.*---

*Stk. 4.*---

**4. § 241-mut imm. 3-p** kingorna-nut imm. nutaatut ivertinneqas-sapput:

*"Imm. 4. Kalaallit Nunaanni pinerluttunik nakkutilliiviup siut-tuisa aalajangersinnaavaat, inis-sitaq § 161 malillugu immik-koortortamut ammasumut inissi-tassatut eqqartuunnejarsimasoq, tigummisassanut immikkoortor-tamut nuutinnejassasoq, immik-koortortami inissinneqarsimaneq nammaginartumik isumannaat-sutut nalilernejanngippat.*

*Imm. 5. Kalaallit Nunaanni pinerluttunik nakkutilliiviup siut-tuisa aalajangersinnaavaat, ti-gummisassatut immikkoortortamut inissitap immikkoortortamut nuutsinnissaa siunertamut naleq-quuttutut aamma naammattumik isumannaatsunissamik isumagin-*

ninnermut naapertuussorinarpat. Tamatuma kingornatigut inissitaq immikkoortortami ammasumiinnissamut naleqqussorinanngitsutut malunnarsippat, taa-matullunniit inissiineq naammaginartumik isumannaatsuuusori-nanngippat, Kalaallit Nunaanni pinerluttunik nakkutilliiviup pi-sortaata aalajangersinnaavaa, inissitaq tigummisassat immik-koortuannut nuunneqassasoq". Matuma kingorna imm. 4 imm. 6-ngussaaq.

### § 3

Inatsisip ulloq atulersinneqarfis-saa Justitsministerip aalajangis-savaa.

### § 4

*Imm. 1. Justitsministerip ministerilluunniit taamaaliornissamik piginnaatitaata aalajangersinnaavaa, inuit pinerluttulerinermik inatsimmi § 148. imm. 3, imalunniit § 161, imm. 2-mit 4-mut malillugit eqqartuunneqarsi-masut imaluunniit nuutinneqar-simasut Danmarkimi pinerluttu-nik nakkutilliiviup ataani inisiisarfimmut tarnit nakorsaanik aqunneqartumut inissitassatut, Kalaallit Nunaanni pinerluttunik nakkutilliiviup ataani tigummi-sassanut immikkoortortamut nuutinneqarsinnaapput.*  
*Nuutitsineq pisinnaavoq taa-maallaat pineqartut akuersissum-*

mik pissarsereerneratigut.

*Imm. 2.* Justitsministerip ministerillunniit taamaaliornissamik piginnaatitaata aalajangersinnaavaa, inuit pinerluttulerinermik inatsimmi § 148, imm. 3, imaluunniit § 161, imm. 2-mit 4-mut malillugit eqqartuunneqarsimasut Danmarkimi pinerluttunik nakkutiliiviup ataani inissiisarfimmut tarnit nakorsaannik aqunneqartumut nuutsitassatut imaluunniit inissitassatut eqqartuunneqarsimasut, nuunneqassasut Kalaallit Nunaanni pinerluttunik nakutilliiviup ataani inissiisarfimmi immikkoortortamut ammasumut, tamanna siunertamut naleqqussorineqarpat naam-maginartumillu isumannaatsuunissamik isumaginninnermut naapertuussorinarpas. Inissitaq immikkoortortami ammasumiinnissamut naleqqussorinangippat, imalunniit taamatut inissieneq naammaginartumik isumannaatsuusorinangippat, Justitsministerip, ministerilluunniit taamaaliornissamik piginnaatitaata aalajangersinnaavaa inissitaq Kalaallit Nunaanni pinerluttunik nakkutiliiviup ataani inissiisarfimmi tigummisassanut immikkoortortamut nuutsinneqassasoq.

*Imm. 3.* Eqqartuussiviup aalajangersinnaavaa inuit pinerluttulerinermik inatsimmi § 161, imm. 1 mi aalajangersagaq maannamut atuuttoq malillugu tigummisassatut eqqartuunneqarsimasut, Kalaallit Nunaannilu pinerluttu-

nik nakkutilliiviup ataani immik-koortortamut ammasumut inis-sinnejarsimasut, Kalaallit Nu-naanni pinerluttunik nakkutilli- viup ataani tigummisassanut immikkoortortamut nuutsinne-qassasut, immikkoortortami am-masumi inissitaasimaneq naam-maginartumik isumannaatsuuso-rinanngippat.

*Imm. 4.* Imm. 1 aamma imm. 2 malillugit nuutitsinerit pillugit malittarisassat Justitsministerip aalajangersassavai.